

四庫全書

集部

欽定四庫全書

集部

唐文粹卷十四上

詳校官庶吉士臣謝恭銘

助教臣常循覆勘

總校官檢討臣何思鈞

校對官編修臣盧遂

謄錄監生臣陶鳴珂

古興
呂 監

咬古
鞞 趙 紫

古意
賈 島

風古三首
盧 仝

稿古
李 希

古意八首
鞞 貫 朴

古意二首
賈 蘭 莊 明

贊古十四首
戴 士 吳 陸

古意二首

古風十一首

古風

古風二首

詩六十四首

宋 晁公

唐文粹卷十四

燈火四庫全書

諷古二首

劉禹錫

續古詩十首

白居易

古意贈補闕

孟郊

古意二首

祖詠

古意

陸龜蒙

古意

李白

古興

權德輿

古風十一首

李白

大雅久不作吾衰竟誰陳王風委蔓草戰國多荆榛龍
虎相啖食兵戈逮狂秦正聲何微茫哀怨起騷人揚馬
激頽波開流蕩無垠廢興雖萬變憲章亦已淪自從建
安來綺麗不足珍聖代復元古垂衣貴清真羣才屬休
明衆運共躍鱗文質相炳煥衆星羅秋旻我志在刪述
垂輝映千春希聖如有立絕筆於獲麟

咸陽二三月宮柳黃金枝綠幘誰家子賣珠輕薄兒日
暮醉酒歸白馬驕且馳意氣人所仰冶遊方及時子雲

不曉事晚獻長楊辭賦達身已老草玄鬢若絲投閣良
可歎但為此輩嗤

莊周夢胡蝶胡蝶為莊周一體更變易萬事良悠悠乃
知蓬萊水復作清淺流青門種瓜人舊日東陵侯富貴
故如此營營何所求

齊有個儻生魯連特高妙明月出海底一夕開光耀却
秦振英聲後世仰末照意輕千金贈顧向平原笑吾亦
澹蕩人拂衣可同調

黃河走東溟，白日落西海。逝川與流光，飄忽不相待。春容捨我去，秋髮已衰改。人生非寒松，年貌豈長在。吾當乘雲螭，吸景駐光彩。

胡關饒風沙，蕭索竟終古。木落秋草黃，登高望戎虜。荒城空大漠，邊邑無遺堵。白骨橫千霜，嵯峨蔽榛莽。借問誰凌虐，天驕毒威武。赫怒我聖皇，勞師事鼙鼓。陽和變殺氣，發卒騷中土。三十六萬人，哀哀淚如雨。且悲就行役，安得營農圃。不見征戍兒，豈知關山苦。李牧今不存。

邊人飼豺虎

燕昭延郭隗遂築黃金臺劇辛方趙至鄒衍復齊來奈何青雲士棄我如塵埃珠玉買歌笑糟糠養賢才方知黃鵠舉千里獨徘徊

天津三月時千門桃與李朝為斷腸花暮逐東流水前水復後水古今相續流新人非舊人年年橋上遊雞鳴海色曙謁帝羅公侯月落西上陽餘輝半城樓衣冠照雲日朝下散皇州鞍馬如飛龍黃金絡馬頭行人皆辟

易志氣橫嵩邱入門上高堂列鼎錯珍羞香風引趙舞
清管隨齊謳七十紫鴛鴦雙雙戲庭幽行樂爭晝夜自
言度千秋功成身不退自古多愆尤黃犬空歎息綠珠
成釁讎何如鴟夷子散髮棹扁舟

郢客吟白雪遺響飛青天徒勞歌此曲舉世誰為傳試
為巴人唱和者乃數千吞聲何足道歎息空悽然

燕趙有秀色綺樓青雲端眉目豔皎月一笑傾城歡常
恐碧草晚坐泣秋風寒纖手怨玉琴清晨起長歎焉得

偶君子共成雙飛鸞

美人出南國灼灼芙蓉姿皓齒終不發芳心空自持猶
來紫宮女共妬青蛾眉歸去瀟湘沚沉吟何足悲

古意三首

王績

幽人在何所紫巖有仙躅月夜橫寶琴此外將安欲材
抽嶧山榦徽點崑邱玉漆抱蛟龍脣絲纏鳳凰足前彈
廣陵罷後以明光續百金買一聲千金傳一曲世無鍾
子期誰知心所屬

桂樹何蒼蒼秋來花更芳自言歲寒性不知露與霜幽
人重其德徙植臨前堂連攀八九樹偃蹇二三行枝
自相糾葉葉還相當去來雙鴻鵠栖息兩鴛鴦榮蔭誠
不厚斤斧亦勿傷赤心許君時此意那可忘

彩鳳欲將歸提羅出郊訪羅張大澤已鳳入重雲颺朝
栖崑閭木夕飲蓬壺漲問鳳那遠飛賢君坐相望鳳言
荷深德微禽安足尚但使鷦卵全無令矰繳放皇臣力
牧舉帝樂簫韶暢自有來巢時明年阿閣上

覽古十四首

道士吳筠

聖人重周濟明道欲救時孔席不暇暖墨突何嘗緇興
言振頽綱將以有所維君臣恣淫惑風俗日凋衰三代
業遽隕七雄遂交馳庶物墜塗炭區中若焚絲秦皇燎
儒術方冊靡孑遺大漢厯五葉斯文復崇推乃驗經籍
道與世同屯夷弛張固天意設教安能持

興亡道之運否泰理所全奈何淳古風既往不復旋三
皇已散朴五帝初尚賢王業興霸功浮偽日以宣忠誠

及狙詐殺混安可甄餘智入九霄守愚淪重泉永懷巢
居時感涕徒泣然

棟宇代巢穴其來自三皇跡生固為累經始增百王瑤
臺既滅夏瓊室復隕湯覆車世不悟秦氏興阿房繼踵
迷反正漢家崇建章力役弊萬人瓌竒殫八方徇志仍
未極促齡已云亡侈靡竟何在荆榛生廟堂

閒居覽前載惻彼商與秦所殘必忠良所寶皆兇嚚昵
諛方自聖不悟禍滅身箕子作周輔孫通為漢臣洪範

及禮儀後王用經綸

吾觀采苓什復感青蠅詩讒佞亂忠孝古今共所悲姦
邪起譖猾骨肉相殘夷漢儲殞江充晉嗣滅驪姬天性
猶可間君臣固其宜子胥烹吳鼎文種斷越鉞屈原沉
湘流厥戚咸自貽何不若范蠡扁舟無還期

嘗稽真仙道清寂祛衆煩秦皇及漢武焉得遊其藩情
擾萬機屑位驕四海尊既欲先宇宙仍規後乾坤崇高
與久遠物莫能兩存矧乃恣所慾荒淫伐靈根金膏特

延期玉色復動魂征戰窮外域殺傷被中原天鑒諒難
誣神理不可諼安期返蓬萊王母還崑崙異術終莫告
悲哉竟何言

魯侯祈正術尼父從棄捐漢主思英才賈生被排遷始
皇重韓子及覩乃不全武帝愛相如既徵復忘賢貴遠
世咸爾賤今理共然方知古來主難以效當年

食其昔未偶落魄為狂生一朝君臣契雄辯何縱橫運
籌康漢業憑軾下齊城既以智所達還為智所烹豈若

終賤貧酣歌本無營

晁錯抱遠策為君納良規
削彼諸侯權永用得所宜
姦臣負舊隙乘釁謀相危
世主竟不辨身戮宗且夷
漢景稱欽明濫罰猶如斯
比干與龍逢殘害何足悲

絳侯成大績賞厚位仍尊
一朝對獄吏榮辱安可論
蘇生佩六印奕奕為殃源
主父食五鼎昭昭成禍根
李斯佐二辟巨釁鍾其門
霍孟翼三后伊戚及後昆
天人忌盈滿茲理固永存
方知得意者何必乘朱輪
滅景栖遠

壑弦歌對清罇二疏返海濱
蔣詡歸林園蕭灑去物累
此謀誠足敦

至人順通塞委命固無疵
吾觀太史公可謂識道規
留滯馬足憤感懷殄生涯
吾歎龔夫子秉義確不移
晦跡一何晚天年天當時
薰膏自銷鑠楚老空餘悲

達者貴量力至人尚知幾
京房洞幽贊神奧咸發揮
如何何嫉元惡不悟禍所歸
謀物闇謀己誰言爾精微

玄元明知止大雅尚保躬
茂先洽聞者幽蹟咸該通
弱

年賦鷦鷯可謂達養蒙晚節希鸞鵠長飛戾曾穹知進
不知退遂令其道窮伊昔辨福初胡為迷禍終方驗嘉
遁客永貞天壤同

聖人垂大訓奧義不苟設天道殃頑兇神明祐懿哲斯
言猶影響安得復迴穴鯨睽誕英睿唐虞育昏孽盜跖
何延期顏生乃短折魯隱全克讓禍機遂潛結楚穆肆
巨逆福柄奚赫烈田常弑其主祚國久罔缺管仲存霸
功世祖成詭說漢氏方版蕩羣闇恣邪譎謬謬陳蕃徒

孜孜抗忠節誓期區宇靜爰使兇醜絕謀協事靡從俄
而反誅滅古來若茲類紛擾難盡列道遐理微茫誰為
我昭晰吾將詢上帝寥廓詎躋徹已矣勿用言忘懷
庶自悅

古意二首

賀蘭進明

秦庭初指鹿羣盜滿山東忤意皆誅死所言誰肯忠武
關猶未啟兵入望夷宮為崇非涇水人君道自窮

崇蘭生澗底香氣滿幽林采采欲為贈何人是同心日

暮徒盈把徘徊憂思深慨然紉雜佩重奏邱中琴

古意九首

釋貫休

一雨火雲盡閉門心冥冥蘭花與芙蓉滿院同芳馨佳
人天一涯好鳥鳴嚶嚶我有雙白壁不羨於虞卿我有
徑寸珠別是天地精玩之室生白蕭灑身安輕只應天
上人見我雙眼明

陽烏爍萬物草木懷春思茫茫塵土飛培擁名利根我
本事蓑笠幼知天子尊學為毛氏詩亦多直致言不慕

需臙類附勢同崩奔唯尋桃李蹊去去長者門

美人如遊龍被服金鴛鴦手把古刀尺在彼白玉堂
文章深掣曳珂珮鳴叮嚙好風吹桃花片片落銀床何妨
舉羽翰遠逐朱鳥翔

乾坤有清氣散入詩人脾聖賢遺清風不在惡木枝千
人萬人中一人兩人知憶在東溪日花開葉落時幾擬
以黃金鑄作鍾子期

莫輕白雲白不與風雨會莫見守羊兒謂是初平輩人

生非日月光輝豈長在一榮與一辱今古常相對君不見于公門子孫好冠蓋

古交如真金百鍊色不回今交如暴流倏忽生塵埃我願君子氣散為青松栽我恐荊棘花只為小人開傷心復傷心吟上高高臺

常思謝康樂文章有神力是何清風清凜然似相識一種為頑嚚得作翻經石一種為枯槁得作登山屐永嘉為郡後山水添鮮碧何當舉羽翰一去觀遺迹

常思李太白仙筆驅造化玄宗置之七寶牀虎殿龍樓
無不可一朝力士脫靴後玉上青蠅生一箇紫皇案前
五色麟忽然掣斷黃金鑰五湖大浪如銀山滿船載酒
撾鼓過賀老成異物顛狂誰敢和寧知江邊墳不是猶
醉卧

憶在山中時丹桂花歲蕤紅泉浸瑶草日夕生華滋箬
屋開地爐翠牆挂藤衣看經竹窻邊白猿三四枝東峯
有老人眼碧頭骨竒種薤煮白石旨趣如櫻兒月上來

打門月落方始歸授我微妙訣恬淡無所為別來六七年只恐白日飛

詠古

李涉

大智思濟物道行心始休垂綸自消息歲月任春秋紂虐武既賢風雲固可求順天行殺機所向協良謀況以丈人師將濟安川流何勞問枯骨再取陰陽籌霸國不務人兵戈恣相酬空令渭水跡千古獨悠悠

感古三首

盧仝

天生聖明君必資忠賢臣舜禹竭股肱共佐堯為君四
載成地理七政齊天文階下蓂莢生琴上南風薰輪轉
夏殷周時復猶一人秦漢事讒巧魏晉忘機釣猜忌相
翦滅邇來迷恩親以愚保其身不覺身沉淪以智理其
國遂為國之賊苟圖容一身萬事良可惻可憐萬乘君
聰明受沉惑忠良伏草莽無因施羽翼日月異又蝕天
地晦如墨既亢而後求異哉龍之德

人生何所貴所貴有終始昨日盈尺璧今日盡瑕棄蒼

蠅點垂棘巧舌成錦綺箕子為之奴比干諫而死仲尼
魯司寇出走為羣婢假如屈原醒其奈一國醉一國醉
呶號一人行清高便欲激頽波此事真徒勞上山逢猛
虎入海遭巨鰲王者苟不死腰下魚鱗刀東海波連天
三度成桑田高岸高於屋斯須變溪谷天地猶尚然人
情難久全夜半白刃讎旦來金石堅蕭綬既解折陳印
亦棄捐竭節遇刀割輸忠遭禍纏不予衾之眠信予衾
之穿明鏡不自照膏潤徒自煎抱劒長太息淚墮秋風

前

古人不患寡所患患不均單醪投長河三軍盡沉淪今
人異古人結託唯親賓毀拆唯鵲巢不行鴟鳩仁鄙悋
不識分有心占陽春鸞鶴日已踈燕雀日已親小物無
大志安測栖松筠恩眷多棄故物情尚逐新瓦礫暫拂
拭光掩連城珍脣吻恣談鑠黃金成灰塵蘇秦北遊趙
張祿西入秦既變嫂叔節仍擯華陽君萬世金石交一
餉如浮雲骨肉且不顧何況長羈貧

古意

賈島

碌碌復碌碌百年雙轉轂志士中夜心良馬白日足俱為不等閒誰是知音目眼中兩行淚曾弔三獻玉

效古

天寶十四年

釋皎然

日出天地正煌煌闔晨曦六龍驅羣動古今無盡時夸父亦何愚競走先自疲飲乾咸池水折盡長桑枝渴死化爍火嗟嗟徒爾為空留鄧林在摧折令人嗤

古興

呂溫

越歐百鍊時楚卞三泣地二寶無人識千齡皆棄置空
巖起白虹古獄生紫氣安得命世客直來開奧秘劒任
刺鐘看玉從投火試必能絕疑惑然後論奇異

諷古二首

劉禹錫

軒后初冠冕前旒為蔽明安知從複道然後見人情
簿領乃俗士清談信古風吾觀蘇令綽朱墨一何工

續古詩十首

白居易

戚戚復戚戚送君遠行役行役非中原海外黃沙磧伶

傳獨居妾迢遞長征客君望功名歸妾憂生死隔誰家
無夫婦何人不離拆所恨薄命身嫁遲別日迫妾身有
存沒妾心無改易生為閨中婦死作山頭石

掩涕別鄉里飄飄將遠行茫茫綠野中春盡孤客情驅
馬上邱壠高低路不平風吹棠梨花啼鳥時一聲古墓
何代人不知姓與名化作路傍土年年春草生感彼忽
自悟今我何營營

朝采山上薇暮采山上薇歲晏薇亦盡飢來何所為坐

飲白石水手把青松枝擊節獨長歌其聲清且悲樵馬
非不肥所苦長繫維豢豕非不飽所憂竟為犧行行歌
此曲以慰常苦飢

雨露長纖草山苗高入雲風雪折勁木澗松摧為薪風
摧此何意雨長彼何因百丈澗底死寸莖山上春可憐
苦節士感此涕盈巾

窈窕雙鬟女容德俱如玉晝居不踰閭夜行常秉燭氣
如含露蘭心如貫霜竹宜當備嬪御胡為守幽獨無媒

不得選年忽過三六歲暮望漢宮誰在黃金屋邯鄲進
倡女能唱黃花曲一曲稱君心思榮連九族

栖栖遠方士讀書三十年業成無知己徒步來入關長
安多王侯英俊競攀援幸隨衆賓末得廁門館間東閣
有旨酒中堂有管絃何為向隅客對此不開顏富貴無
是非主人終日歡貧賤多悔尤客子中夜歎歸去復歸
去故鄉貧亦安

涼風飄嘉樹日夜減芳華下有感秋婦攀條苦悲嗟我

本幽閑女結髮事豪家豪家多婢僕門內頗驕奢良人
近封侯出入鳴玉珂自從富貴來恩薄讒言多冢婦獨
守禮羣妾互竒袤但信言有玷不察心無瑕容光未銷
歇歡愛獨蹉跎何意掌上玉化為眼中沙盈盈一尺水
浩浩千丈河勿言小大異隨分有風波閨房復猶爾邦
國當如何

心亦無所迫身亦無所拘何為腸中氣鬱鬱不得舒不
舒良有以同心久離居五年不見面三年不附書念此

令人老抱膝坐長吁豈無盈樽酒非君誰與娛

攬衣出門行遊觀遶林渠澹澹春水暖東風生綠蒲上
有和鳴鴈下有掉尾魚飛沉一何樂鱗羽各有徒而我
方獨處不與之子俱顧彼自傷已禽魚之不如出遊欲
遣憂孰知憂有餘

春旦日初出曛曛耀晨輝草木照未遠浮雲已蔽之天
地黯以晦當午如昏時雖有東南風力微不能吹中園
何所有滿地青青葵陽光委雲上傾心欲何依

古意贈補闕

孟郊

曲木忌日影，讒人畏賢明。
自然照燭間，不受邪佞輕。
不有百鍊火，孰知寸金精。
金鉛正同爐，願分麝與精。

古意二首

祖詠

楚王意何去，獨自留巫山。
偏使世人見，迢迢江水間。
駐舟春潭裏，誓願拜靈顏。
夢寐覩神女，金沙鳴珮環。
閑豔絕世姿，令人氣力微。
含笑默不語，化作朝雲飛。

夫差日淫放，舉國求妃嬪。
自謂得王寵，代間無美人。
碧

羅蒙天閣坐輦乘方春宮中數千騎常遊江上濱年深
玉顏老時薄花粧新拭淚下金殿嬌多不顧身生前妬
歌舞死後同灰塵冢墓令人哀哀於銅雀臺

古意

陸龜蒙

君心莫淡薄妾意正栖託願得雙車輪一夜生四角

古意

李白

白酒初熟山中歸黃雞啄黍秋正肥呼兒烹雞酌白酒
男女歡笑牽人衣高歌取醉欲自慰起舞落日爭光輝

遊說萬乘苦不早著鞭跨馬涉遠道會稽愚婦輕買臣
余亦辭家方入秦仰天大笑出門去我輩豈是蓬蒿人

古興

權德輿

月中有桂樹無翼難上天海底有驪珠下隔萬丈淵人
生大限雖百歲就中三十稱一世晦明烏兔相推遷雪
霜漸到雙鬢邊紀憂戚戚多浩歎不得如意居太半一
氣斲聚常恐散黃河清兮白石爛

唐文粹卷十四上

欽定四庫全書

唐文粹卷十四下

宋姚鉉編

詩已摠五十六首

古調歌篇二

雜興四十七

雜興聶夷中

雜言謝陶

雜詩三首

權德輿

雜詩六首

李華

雜詩二首

張說

雜詩

儲光羲

雜感

鮑防

雜言

司空圖

雜詩

獨孤及

雜諷九首

陸龜蒙

感興

崔膺

遣興三首

杜甫

寓言二首

賈至

寓興

賈島

寓興

歐陽詹

不欺

賈島

辯士

新昌里

姚合

口號

賈島

絕句

悲歌三首

顧況

美人

陸龜蒙

客思

楊敬之

感事

陸龜蒙

寓言

孟郊

傷感九

汾陰行

李嶠

八月五日歌

顧況

三鄉驛伏觀玄宗望女几山詩小臣斐然有

感

劉禹錫

江南遇天寶樂叟

白居易

連昌宮詞

元稹

感興

李涉

玉華宮

杜甫

至開化里壽春公故宅

韋應物

杜秋娘詩

杜牧

雜興

聶夷中

兩葉能蔽目雙豆能塞聰理身不知道將為天地聾擾擾造化內茫茫天地中苟或有所願毛髮亦不容

雜言

謝陶

天不與人言禍福能自至水火雖活人暫不得即死蹈之焚斯須憑之溺容易水火與禍福豈有先言耳

雜詩三首

權德輿

婉彼嬴氏女，吹簫偶簫史。
彩鸞駕飛煙，綽約兩仙子。
神期諒交感，相顧乃如此。
豈比成都人，琴心中夜起。
陽臺巫山上，風雨忽清曠。
朝雲與遊龍，變化千萬狀。
魂交復目斷，縹緲難比況。
蘭澤不可親，凝情坐惆悵。
淇水春正淥，上宮蘭葉森。
光風兩搖蕩，鳴佩出中閨。
一顧授橫波，千金呈瓠犀。
徒然路傍子，怳怳復悽悽。

雜詩六首

李華

黃鐘叩元音律呂更循環邪氣悖正聲鄭衛生其間典
樂忽消微波浪與天渾嘈嘈鳴梟動好鳥徒懸蠻王吉
歸鄉里甘心長閉關

玄黃與丹青五色之正色聖人端其源上下皆有則齊
侯好紫衣魏帝婦人飾女奴厭金翠傾海未滿臆何忍
嚴子陵羊裘死荆棘

甘酸不私人元和運五行生人受其用味正心亦平爪
牙相踐傷日與性命爭聖人不能絕錯燧與炮烹嗜慾

乘此熾百金資一傾正消神耗衰邪勝體充盈顏子有
餘樂瓢中寒水清

陰魄淪宇宙太陽假其明臣道不敢專由此見虧盈未
聞東菑稼一氣嘉穀成上天降寒暑地利乃可生葛藟
附柔木繁陰蔽曾原風霜摧枝條不復庇本根女蘿依
松柏然後得長存

孔光尊董賢胡廣慚李固儒風冠天下而乃敗王度絳
侯與博陸忠朴受遺顧求名不考實文弊反為蠹

結交得書生書生鈍且直爭權復爭利終不得其力我
逢縱橫者是我牙與翼相旋如疾風並命趨紫極奔車
得停軌風火何用逼仁義豈有常肝膽反為賊勿嫌書
生直鈍直深可憶

雜詩二首

張說

抱薰心恒焦舉旆心恒搖天長地自久歡樂能幾朝君
看西陵樹歌舞為誰嬌

問子青霞意何事留朱軒自言心遠俗未始迹辭喧過

蒙良時幸側息吏途煩簪纓非宿好文史棄前言夕卧
北窻下夢歸南山園白雲慚幽谷清風媿泉源十年茲
賞廢佳期今復存挂冠謝朝侶星駕別君門

雜詩

儲光義

混沌本無象末路多是非達士志寥廓所在能忘機耕
鑿時未至還山聊采薇虎豹對我蹲驚驚傍我飛仙人
空中來謂我勿復歸格澤為君駕虹蜺為君衣西遊崑
崙墟可與世人違

雜感

鮑防

漢家海內承平久萬國戎王皆稽首天馬常銜苜蓿花
胡人歲獻葡萄酒五月荔枝初破顏朝離象郡夕函關
鴈飛不到桂陽嶺馬走先過一作從林邑山甘泉御果垂
仙閣日暮無人香自落遠物皆重近皆輕雖雖有德不
如鷓鴣

雜言

司空圖

鳥飛飛兔蹶蹶朝來暮去驅時節女媧祇解補青天不

解煎膠黏日月

雜詩

獨孤及

百花結成子春物捨我去流年惜不得獨坐空闌暮心
自有所待甘為物華悞未必千黃金買得一人顧

雜諷九首

陸龜蒙

紅蠶緣枯桑青繭大如甕人爭捩其臂羿矢亦不中微
微待賢祿一一希入夢縱操上古言口噤難即貢蛟龍
在怒水拔取牙角弄丹穴如可遊家家畜孤鳳凶門尚

兒戲戰血波瀕溶社鬼苟有靈誰能遏秋慟

童麋來觸犀德力不相及伊無愜心事祇有碎首泣
沉將鵬蝨校數又百與十攻如餓鵠叫勢若脫兔急斯為
朽關鍵怒犖扶以八年來橫干戈未見拔城邑得非佐
饗者齒齒待啜汁羈維豪傑輩四駭方少繫此皆乘時
利縱舍在呼吸吾欲斧其吭無雷動幽蟄

鵑鵒慘於冰陸立懷所適斯人道仍悶

一作悶

不得不鳴呢

當時布衣士亦作天子客至今東方生滿口自誇白終為

萬乘交談笑無所隔致君非有書乃是堯舜畫祇今侯
門峻日掃貧賤迹朝趨九韶音莫列五鼎食如聞恭儉
語謇謇事夕惕可拍伊牧肩功名被金石

赤石可燒城讒邪易為伍詩人疾之甚取俾投豺虎長
風吹竅木始有音韻吐無木亦無風笙簧由喜怒女媧
鍊五石天缺猶可補當其利口銜罅漏不復數元精遺
萬類雙目如牖戶非是既相叅重瞳亦為瞽

東南有狂兇獵者西北矢利塵白冥冥獨此清夜止無

人語其事偶坐窺天紀安得東壁明洪洪用墳史搜揚
好古士一以罄雲水流堪灑菁英風足去稗秕如能出
奇計坐可平賊壘徐陳羲皇道高駕太平軌攬疏成特
雄濯垢為具美貢賢當上賞景福視所履永播南薰音
垂之萬年耳

有蘖何青青空城雪霜裏千林盡枯槁苦節獨不死他
遭匠石顧揔人犧黃美遂得保天年私心未為恥高從
宿臬怪下亦容螻蟻大厦若掄材亭亭託君子

左右佩劒者彼此亦相笑趨時與閉門喧寂不同調潛
機取聲利自許臻乎妙志士以神窺慚然真可弔天之
發遐籟大小隨萬竅魁其鑪冶姿形質惟所召鼗笙磬
竽瑟是必登清廟伊聖不可欺誰能守蓬藿

橫笛喝秋風清商入疏越君居不夜城肯怨孤戍月吳
兵甚犀利太白光突兀日已費千金厓聞侵一撥豈無
惡年少縱酒遊俠窟募為敢死軍去以梟叛卒豈無中
林士貫穿學問骨兵法五十家浩蕩如溟渤高懸鹿皮

睡清澗時依越分已諾煙霞全遺事干謁既非格猛獸
未可輕華髮北面師其謀幾能止征伐何妨秦董勇又
有曹劇說堯舜尚詢芻公乎聽無忽

朝為壯士歌暮為壯士歌壯士心獨苦傍人謂之何古
鐵久不快倚天無處磨將來易水上猶足生寒波捷可
搏飛狄健能超橐駝羣兒被堅利索手安憑河驚飈掃
長林直木謝槲科嚴霜凍大澤僵龍不如蛇昔者天血
碧吾徒安歎嗟

感興

崔膺

富貴難義合困窮易感恩古來忠烈士多出貧賤門世上樹桃李但結繁華子白屋抱關人青雲壯心死本以勢利交勢盡交情已如何失情後始歎門易軌

遣興三首

杜甫

蟄龍三冬卧老鶴萬里心昔時賢俊人未遇猶視今嵇康不得死孔明有知音又如壠底松用舍在所尋大哉霜雪幹歲久為枯林

在昔龐德公未曾入州府襄陽耆舊間處士節獨苦豈
無濟時策終竟畏羅罟林茂鳥有歸水深魚知聚舉家
隱鹿門劉表焉得取

蓬生非無根漂蕩隨高風天寒落萬里不復歸本叢客
子念故宅三年門巷空悵望但烽火戎車滿關東生涯
能幾何常在羈旅中

寓言二首

賈至

凜凜秋閨夕綺羅知早寒玉砧調鳴杵始搗機中紈憶

昨別離日桐花覆井欄今來思君時白露盈堦溥聞有
關河信欲寄雙玉盤玉以委貞心盤以薦嘉飧嗟君在
萬里使妾衣帶寬

春草紛碧色佳人曠無期悠哉千里心欲採商山芝歎
惜良會晚如何桃李時懷君晴川上佇立夏雲滋

寓興

賈島

莫居暗室中開目閉目同莫趨碧霄路容飛不容步暗
室未可居碧霄未可趨勸君跨仙竹日下雲為衢

寓興

歐陽詹

桃李有奇質，擗櫟無妙姿。皆承慶雲沃，一種春風吹。美惡苟同歸，喧囂徒爾為。相將任玄造，聊醉手中卮。

不欺

賈島

上不欺星辰，下不欺鬼神。知心兩如此，然後何所陳。食魚味在鮮，食蓼味在辛。掘井須到流，結交須到頭。此語誠不謬，敵君三萬秋。

辯士

辯士多毀訾不聞談已非猛虎恣殺暴未嘗齧妻兒此
理天所惑所惑當問誰求食飼鵲禽吐出美言詞善哉
君子人揚光掩瑕疵

新昌里

姚合

舊客常樂坊井泉濁而鹹新居新昌里井泉清而甘僮
僕慣苦飲食美翻憎嫌朝朝忍饑行戚戚如難堪中下
無正性所習便淫耽一染不可變甚於茜與藍近貧日
益廉近富日益貪以此當自警慎勿信邪讒

口號

賈島

中夜忽自起汲此百尺泉
林木含白露星斗在青天

絕句

海底有明月圓於天上輪
得之一寸光可買千里春

悲歌三首

井序

顧況

情思發動聖賢所不免也
故師乙陳其宜延陵審其音
理亂之所經王化之所興
信無逃聲豈徒文彩之麗
遂作歌以悲之

邊城路令人犁田昔人墓岸上沙昔時江水今人家今
人昔人共長歎四氣相催節迴換明月皎皎入華池白
雲離離度青漢我欲昇天天隔霄我欲渡水水無橋我
欲上山山路險我欲汲井井泉遙越人翠被今何夕獨
立沙邊江草碧紫燕西飛欲寄書白雲何處逢來客
新繫青絲百尺繩心在君家轆轤上我心皎潔君不知
轆轤一轉一惆悵何處春風吹曉幕江南淥水通朱閣
美人二八顏如花泣向春風畏花落臨春風聽春鳥別

時多見時少愁人一夜不得眠瑶井玉繩相對曉

軒轅黃帝初得仙鼎湖一去三千年周流三十六洞天
洞中日月星辰聯騎龍駕景遊八極軒轅弓劍無人識
東海青童寄消息

美人

陸龜蒙

美人抱瑤瑟哀怨彈別鶴雌雄南北飛一旦異栖託諒
非金石性安得宛如昨生為並蒂花亦有先後落秋林
對斜日光景自相薄猶欲悟君心朝朝佩蘭若

客思

楊敬之

禾黍正離離南國翦白芝細腰沉趙女高髻唱蠻姬路
愧前岡月梳漸一領絲鄉心不可語獨念畏人知

感事

陸龜蒙

將軍被鮫函祇畏金矢鏃豈知讒箭利一中成赤族古
來信簧舌巧韻淒鏘曲君聞悅耳音盡日聽不足初因
起毫髮漸可離骨肉所以賢達心求人須任目

寓言

孟郊

誰言碧山曲不廢青松直誰言濁水泥不汙明月色我
有青松心俗騁風霜力貞明既如此摧折安可得

汾陰行

李嶠

君不見昔日西京全盛時汾陰后土親祭祠齋宮宿寢
設厨供撞鍾鳴鼓樹羽旗漢家四葉才且雄賓延萬靈
服九戎柏梁賦詩高宴罷詔書法駕幸河東河東太守
親掃除奉迎至尊尊鑾輿五營將校列容衛三河縱觀
空里間回旗駐蹕降靈場焚香奠醑邀百祥金鼎發食

正焜煌靈祇煒燧攄景光埋玉陳牲禮神畢舉麾上馬
乘輿出彼汾之曲嘉可游木蘭為檝桂為舟擢歌微吟
綵鷁浮簫鼓哀鳴白雲秋歡娛宴洽賜羣后家家復除
戶牛酒聲明動天樂無有千秋萬歲南山壽自從天子
向秦關玉輦金車不復還珠簾羽帳長寂寞鼎湖龍髯
安可攀千齡人事一朝空四海為家此路窮雄豪意氣
今何在壇場宮館盡蒿蓬路逢古老長嘆息世事回環
不可測昔時青樓對歌舞今日黃埃聚荊棘山川滿目

淚沾衣富貴榮華能幾時不見只今汾水上唯有年年
秋鴈飛

八月五日歌

顧況

四月八日明星出摩耶夫人降前佛八月五日佳氣新
昭成太后生聖人開元九年燕公說奉詔聽置千秋節
丹青廟裏貯姚宋花萼樓中宴岐薛清樂靈香幾處聞
鸞歌鳳吹動祥雲已於武庫見靈鳥仍向晉山逢老君
率土溥天無不樂河清海宴窮寥廓梨園弟子傳法曲

張果先生進仙藥玉座淒涼遊帝京悲翁回首感承明
雲韶九奏杳然遠唯有五陵松柏聲

三鄉驛伏覩玄宗望女几山詩小臣斐然有感

劉禹錫

開元天子萬事足惟惜當時光景促三鄉陌上望仙山
歸作霓裳羽衣曲仙心從此在瑤池三清八景相追隨
天上忽乘白雲去世間空有秋風辭

江南遇天寶樂叟

白居易

白頭病叟泣且言祿山未亂入梨園能彈琵琶和法曲
多在華清隨至尊是時天下太平久年年十月坐朝元
千官起居環佩合萬國會同車馬奔金鈿照耀石甕寺
蘭麝薰煑溫湯源貴妃宛轉侍君側體弱不勝珠翠繁
冬雪飄飄錦袍暖春風蕩漾霓裳翻歡娛未足燕冠至
弓勁馬肥胡語喧幽土人遷避夷狄鼎湖龍去哭軒轅
從此漂淪到南土萬人死盡一身存秋風江上浪無限
暮雨舟中酒一樽涸魚久失風波勢枯草曾霑雨露恩

我自秦來君莫問，驪山渭水如荒村。
新豐樹老籠明月，長生殿暗鎖黃昏。
紅葉紛紛蓋歌瓦，綠苔重重封壞垣。
唯有中官作宮使，每年寒食一開門。

連昌宮辭

元稹

連昌宮中滿宮竹，歲久無人森似束。
又有牆頭十葉桃，風動落花生蔌蔌。
宮邊老人為余泣，少年選進因曾入。
上皇正在望仙樓，太真同憑欄干立。
樓上樓前盡珠翠，炫轉熒煌照天地。
歸來如夢復如癡，何暇備言宮裏事。

初過寒食一百六店舍無煙宮樹綠夜半月高弦索鳴
賀老琵琶定場屋力士傳呼覓念奴念奴潛伴諸郎宿
須臾覓得又連催特勅街中許燃燭春嬌滿眼垂紅綃
掠削雲鬟旋粧束飛上九天歌一聲二十五郎吹管逐
逡巡大徧梁州徹色色龜茲綠續李暮壓笛傍宮牆

偷得新翻數般曲

念奴天寶中名妓善歌樓下酺宴累日之後萬衆喧隘嚴安之幸黃裳輩

辟易而不能禁衆樂為之罷奏玄宗常遣高力士大呼於樓上曰欲遣念奴唱歌邪王二十五郎吹小管逐看人能聽否未嘗不悄然奉詔其為當時所重也如此然而玄宗不欲奪使遊之戚未嘗置在宮禁或歲幸溫湯

時巡東洛有司潛遣從行而已又玄宗幸上陽宮夜後
新翻一曲屬明夕正月十五日潛遊燈下忽聞酒樓上
有笛奏前夕新翻之曲者大駭之明日密捕笛者詰驗
之自云某某夕竊於天津橋上翫月聞宮中奏曲愛其
新聲遂於天津橋柱以爪畫譜記之問其誰氏奏
云臣即長安少年李暮也玄宗異之賜物遣去 平明

大駕發行宮萬人鼓舞逢路中百官隊仗避岐薛楊氏
諸姨車闢風明年十月東都破御路猶存祿山過驅令
供頓不敢藏萬姓無聲淚潛墮兩京定後六七年却尋
家舍行宮前莊園燒盡有枯井行宮門闌樹宛然爾後
相傳六皇帝不到離宮門久閉往來年少說長安玄武

樓前花萼廢去年勅使因斫竹偶值門開暫相逐荆榛
櫛比塞池塘狐兔驕癡綠樹木舞榭歌傾基尚存文牕
窈窕紗猶綠塵埋粉壁舊花鈿烏啄風箏碎珠玉上皇
偏愛臨砌花依然御榻臨堦斜蛇出燕巢盤闕拱菌生
香案正當衙寢殿相連端正樓太真梳洗樓上頭晨光
未出簾影黑至今反掛珊瑚鉤指向傍人因慟哭却出
宮門淚相續自從此後還閉門夜夜狐狸上門屋我聞
此語心骨悲太平誰致亂者誰翁言野父何分別耳聞

眼見為君說姚崇宋璟作相公勸諫上皇言語切變理
陰陽禾黍豐調和中外無兵戎長官清平太守好揀選
皆言由相公開元欲末姚宋死朝廷漸漸由妃子祿山
宮裏養作兒號國門前鬧如市弄權宰相不記名依稀
憶得楊與李廟謨顛倒四海搖五十年來作瘡痂今皇
仁聖丞相明詔書纔下吳蜀平官軍又取淮西賊此賊
亦除天下寧年年耕種宮前道今年不遣子孫耕老翁
此意深望幸努力廟謨休用兵

感興

李涉

隋氏造宮闕峨峨倚雲煙搜奇竭四海立制謀千年秦
兵半夜來烈火焚高臺萬人聚筋血一旦為塵埃君看
汴河路尚說隋家柳但問哭陵人秋草沒來久

玉華宮

杜甫

谿迴松風長蒼鼠竄古瓦不知何王殿遺構絕壁下陰
房鬼火青壤道哀湍瀉萬籟真笙竽秋色正蕭灑美人
為黃土况乃粉黛假當時侍金輿故物獨石馬憂來籍

草坐浩歌淚盈把冉冉征途間誰是長年者

至開化里壽春公故宅

韋應物

寧知府中吏故宅一徘徊厯階存往敬瞻位泣餘哀廢井沒荒草陰牖生綠苔門前車馬散非復昔時來

杜秋娘詩并序

杜牧

杜秋金陵女也年十五為李錡妾後錡叛滅籍之入宮有寵於景陵穆宗即位命秋為皇子傅姆皇子壯封漳王鄭注用事誣丞相欲去已者指王為根王被罪廢削

秋因賜歸故鄉子過金陵感其窮且老為之賦詩

京江水清滑生女白如脂其間杜秋者不勞朱粉施老

漚即山鑄後庭千蛾眉秋持玉竿飲與唱金縷衣

勸君莫惜

金縷衣勸君須惜少年時花開堪折直須折莫待無花空折枝李詩長唱此辭漚既白首叛秋

亦紅淚滋吳江落日渡灞岸綠楊垂聯裾見天子盼眄

獨依依椒壁懸錦幕鏡奩蟠蛟螭低鬟認新寵窈窕復

融怡月上白壁門桂影涼參差金階露新重閒捻紫簫

吹


晉書盜開涼州張駿冢得紫玉簫

莓苔夾城路南苑鴈初飛紅粉羽

林伏獨賜辟邪旗歸來煮豹胎饜飫不能飴咸池昇日
慶銅雀分香悲雷音後車遠事往落花時燕謀得皇子
壯髮綠綫綫畫堂授傅姆天人親捧持虎睛珠絡襟金
盤犀鎮帷長楊射熊羆武帳弄啞咿漸拋竹馬戲稍出
舞雞竒嶄嶄整冠佩侍宴坐瑤池眉宇儼圖畫神秀射
朝輝一尺桐偶人江充知自欺王幽茅土削秋放故鄉
歸觚稜拂斗極迴首尚遲遲四朝三十載似夢復疑非
潼關識舊吏髮已如絲却喚吳江渡舟人爭得知歸

來四隣改茂苑草菲菲青血灑不盡仰天知問誰寒衣
一匹素夜借隣人機我昨金陵過聞之為歔歔自古皆
一貫變化安能推夏姬滅兩國逃作巫臣妻西子下姑
蘇一舸逐鴟夷織室魏豹俘作漢太平基誤置代籍中
兩朝尊母儀光武紹高祖本係生唐兒珊瑚破高齊作
婢舂黃縠蕭后去揚州突厥為閼氏女子固不定士林
亦難期射鈎後呼父釣翁王者師無國要孟子有人毀
仲尼秦因逐客令柄歸丞相斯安知魏齊首見斷箒中

屍給喪蹶張輩廊廟冠峨危珥貂七葉貴何妨戎虜支
蘇武却生返鄧通終死飢主張既難測翻覆亦其宜地
盡有何物天高復何之指何為而捉足何為而馳耳何
為而聽目何為而窺已身不自曉此外何思惟因傾一
樽酒題作杜秋詩愁來獨長詠聊可以自貽



唐文粹卷十四下

欽定四庫全書

集部

唐文粹卷十五上

詳校官庶吉士_臣謝恭銘

助教_臣常循覆勘

總校官檢討_臣何思鈞

校對官編修_臣盧遂

謄錄監生_臣陶鳴珂

欽定四庫全書

唐文粹卷十五上

宋 姚鉉 編

詩庚

摠五十九首

古調歌篇三

懷古十二

四皓詩

李白

頴陽東谿懷古

崔曙

登郭隗臺

皇甫松

歸沛縣道中晚泊留侯城

劉長卿

鴻門醺

王穀

古泉驛

張說

嚴陵釣臺下作

權德輿

吳中懷古

劉駕

故絳行

杜頤

郢城懷古

李百藥

題西施浣紗石

胡幽貞

鄴城懷古

孟雲卿

懷賢十

三君詠三首

高適

七愛詩六首

皮日休

陽城驛

元稹

集會七

奉同徐侍郎五雲溪新亭重陽宴集作

獨孤及

高軒過 李賀

郡中與諸文士醺集 韋應物

淮南秋夜呈周侶 李嶷

夜飲東亭 宋之問

讌客辭 張籍

過賈六 蘇晉

餞送三十

送渾將軍出塞 高適

送郭大夫再使吐蕃

張說

送張舍人之江東

李白

吳興送梁補闕歸朝賦得荻花

朱長文

送周愿判官歸嶺南

姚係

送韓愈從軍

孟郊

送王昌齡赴江寧

岑參

送李十一尉臨谿

常建

奉送韋起居老舅百日假滿歸嵩陽舊居

權

德興

送從叔簡

孟郊

感別從叔簡再東歸

送弟郢東歸

盧十五竹亭送姪偁歸山

楊衡

送李觀韓愈別兼獻張徐州

孟郊

送狄宗亨

王昌齡

送孟浩然之廣陵

李白

送客 陳子昂

送唐次 武元衡

送皇甫湜赴舉 馬異

送張宗原 姚合

送綦母潛落第還鄉 王維

送暨道士還玉清 李頎

淇上別趙仙舟 王維

送沈秀才下第東歸 賈島



崔九弟欲往南山王維

同前裴迪

贈別沈四逸人高適

留別王維韋興宗

送豆盧策歸別墅孟郊

送柳淳入關

四皓詩

李白

白髮四老人昂藏南山側偃卧松雲間冥翳不可識雲

窗拂青靄石壁橫翠色龍虎方戰爭於焉自休息秦人
失金鏡漢祖昇紫極陰虹濁太陽前星遂淪匿一行佐
明聖欵起生羽翼功成身不居舒卷在胷臆窅冥合元
化茫昧信難測飛聲塞天衢萬古仰遺跡

潁陽東谿懷古

崔曙

靈谿氛霧歇皎鏡清心顏空色不映水秋聲多在山世
人久踈曠萬物皆自閑白鷺寒更浴孤雲暗未還昔時
讓王者此地閉玄關無以躡高步淒涼林壑間

登郭隗臺

皇甫松

燕相謀在茲積金黃巍巍上者欲何顏使我千載悲

歸沛縣道中晚泊留侯城

劉長卿

訪古此城下子房安在哉白雲去不返危堞空崔巍伊
昔楚漢時頗聞經濟才運籌風塵下能使天地開蔓草
日已積長松日已摧功名滿青史祠廟唯蒼苔百里暮
程遠孤舟川上迴進帆東風便轉岸前山來楚州澹相
引沙鷗閒不猜扣船從此去延首仍徘徊

鴻門醢

王穀

寰海沸兮爭戰苦風雲愁兮會龍虎四百年漢欲開基
項莊一劍何虛舞殊不知人心去暴秦天意歸真主項
王足底踏漢土席上相看渾未悟

古泉驛

於陵仲子宅也

張說

昔聞陵仲子守義辭三公身賃妻織屨樂亦在其中豈
無窮賤苦羞與傾巧同長白臨河上於陵入濟東我今
行至此感歎石泉空

嚴子陵釣臺下作

權德輿

絕頂聳蒼翠，清湍石磷磷。先生晦其中，天子不得臣。
心靈棲顓元，纓冕猶緇塵。不樂禁中卧，却歸江上春。
潛驅東漢風，日使薄者醇。馬用佐天下，持此報故人。
則知大賢心，不獨私其身。弛張有深致，耕釣陶天真。
奈何清風後，擾擾論屈伸。交情同市道，利欲相紛綸。
我行訪遺臺，仰古懷逸民。增繳鴻鵠遠，雪霜松桂新。
江流去不窮，山色凌秋旻。人世自今古，清輝照無垠。

吳中懷古

劉駕

勾踐飲膽日吳王酒滿盃
笙歌入海雲聲自姑蘇來
西施舞初罷侍兒整金篦
衆女不敢妬自比泉下泥
越鼓聲騰騰吳王隔黃池
難將甬東地更學會稽棲

故絳行

杜 頤

君不見銅鞮觀數里城池已蕪漫
君不見祈虎宮幾重臺榭亦微濛
介馬兵車全盛時歌童舞女妖艷姿
一代繁華皆共絕九原唯望塚纍纍

郢城懷古

李百藥

客心悲暮序登塢瞰平陸
林澤窅芊綿山川鬱重複
王公資設險名都距江隩
方城次北門溟海窮南服
長策挫吳豕雄圖競周鹿
大蒐雲夢掩壯觀章華築
南風忽不競西師日侵威
運圯屬驅馳時屯恣敲扑
莫救夷陵火無復秦庭哭
鄢郢遂邱墟風塵俄慘黷
狐兔時遊踐霜露日霑沐
釣渚故地平神臺層宇覆
陣雲埋夏首窮陰慘荒谷
悵矣洲壑遷悲哉年紀修
雖異三春望終傷

千里目

題西施浣紗石

胡幽貞

一朝入紫宮萬古遺芳塵至今溪邊花不敢嬌青春

鄴城懷古

孟雲卿

朝發淇水南將尋北燕路魏家舊城闕寥落無人住伊
昔天地屯曹公獨中據羣臣將北面白日忽西暮三臺
竟寂寥萬世難長固雄豪安在哉衰草霑霜露崔巍長
河北尚想應劉墓古樹藏龍蛇荒茅伏狐兔永懷故池

館數子連章句逸興驅山河雄辭變雲霧我行覩遺跡
精爽如相遇斗酒將酹君悲風白楊樹

三君詠

并序

高適

開元中適游於魏郡北有故太師鄭公舊館里有故
尚書郭公遺業邑外又有故太守狄公生祠焉覩物增
懷遂為三君詠

魏鄭公徵

鄭公經綸日隋氏風塵昏濟代取高位逢時敢直言道

光先帝業義激舊君恩寂寞卧龍處英靈千載魂

郭代公

元振

代公實英邁津涯浩難識權兵抗矯徵仗節歸有德縱
橫負才智顧盼安社稷流落勿重陳懷哉為悽惻

狄梁公

仁傑

梁公乃貞固勲烈垂竹帛昌言太后朝潛運儲皇策待
賢開相府共里登方伯至今青雲人猶是門下客

七愛詩

并序

皮日休

皮子之志常以真純自許每謂立大化者必有真相以
房杜為真相焉定大亂者必有真將以李太尉為真將
焉傲大君者必有真隱以盧徵君為真隱焉鎮澆俗者
必有真吏以元魯山為真吏焉負逸氣者必有真放以
李翰林為真放焉為名臣者必有真才以白太傅為真
才焉嗚呼吾之道時耶行其事也在乎愛忠矣不時耶
行其事也亦在乎愛忠矣苟有心歌詠者豈徒然哉

房杜二相國

吾愛房與杜貧賤共聯步脫身拋亂世策杖歸真主縱
橫握中算左右天下務骯髒無敵才磊落不世遇美矣
名公卿魁然真宰輔黃閣三十年清風一萬古巨業照
國史大勲鎮王府遂使後世民至今受陶鑄粵吾少有
志敢躡前賢路苟得同其時願為執鞭豎

李太尉歲

吾愛李太尉崛起定中原驍勇十萬兵四面圍國門一
戰收三畿一叱散妖氛乘輿既反正克豎爭亡魂巍巍

柱天功蕩蕩蓋世勲仁於曹孟德勇過霍將軍丹券入
帑藏青史傳子孫所謂大丈夫動合驚乾坤所謂聖天
子難得忠貞臣下以契魚水上以合風雲百世必一亂
千年方一人吾雖翰墨子氣慙敢不羣願以太平頌題
向甘泉春

盧徵君

鴻

吾愛盧徵君高卧嵩山裏百辟未一顧三徵方暫起坦
腹對宰相岸幘揖天子建禮門前吟金鑾殿裏醉天下

皆哺糟徵君獨絜已天下皆樂聞徵君獨洗耳天下皆
懷羞徵君獨多耻銀黃不妨懸赤紱不妨被而於心抱
中獨作羲皇地籃輿一云返泥詔褒不已再看縑山雲
重酌嵩陽水放曠書裏終逍遙醉中死吾謂伊與周不
若徵君貴吾謂巢與許不若徵君義高名無階級逸迹
絕涯涘萬世唐書中逸名不可比粵吾慕真隱彊以骨
肉累如教不為名敢有徵君志

元魯山

吾愛元紫芝清介如伯夷輦母遠之官宰邑無點疵三
年魯山民豐稔不暫饑三年魯山吏清慎各自持只飲
魯山泉只採魯山薇一室冰蘖苦四遠聲光飛退歸舊
隱來斗酒入茅茨雞黍匪家畜琴樽常自怡晝日一菜
食窮年一布衣清似匣中鏡直如琴上絲世無用賢人
青山生白髭既卧黔婁空立陳寔碑吾無魯山道空
有魯山辭所恨不相識援毫空涕垂

李翰林

吾愛李太白身是酒星魄口吐天上文跡作人間客磔
砢千丈林澄澈萬尋碧醉中草樂府十幅筆一息召見
承明廬天子親賜食醉曾吐御床傲幾觸天澤權臣妬
逸才心如斗筭窄失恩出內署海岳甘自適刺謁戴接
羅赴宴着穀屐諸侯百步迎明君九天憶竟遭腐脅疾
醉魄歸八極大鵬不可籠大椿不可摘蓬壺不可見姑
射不可識五岳為辭鋒四溟作胃臆惜哉千萬年此俊不
可得

白太傳

吾愛白樂天逸才生自然誰謂詞翰器乃是經濟賢欸
從浮豔詩作得典誥篇立身百行足為文六藝全清望
逸內署直聲驚諫垣所刺必有思所臨必有傳忘形任
詩酒寄傲遍林泉所望握文柄所希持化權何期遇些
毀中道多左遷天下皆汲汲樂天獨怡然天下皆悶悶
樂天獨捨旃高吟辭兩掖清嘯罷三川處世似孤鶴遺
榮同蛻蟬仕若不得志可為龜鏡焉

陽城驛

元稹

商有陽城驛名同陽道州陽公沒已久感我淚交流昔
公孝父母行與曾閔儔既孤善兄弟兄弟和且柔一夕
不相見若懷三歲憂遂誓不婚娶沒齒同衾稠妹夫死
他縣遺骨無人收公令季弟往公與仲弟留相別竟不
得三人同遠遊共負他鄉骨歸來藏故邱棲遲居下邑
邑人無苟偷里中競長短來問方與優官刑一朝耻公
短終身羞公亦不遺布人自不盜牛問公何德爾忠信

先自修發言當道理不顧黨與讎聲香漸翕習冠蓋若雲浮
少者從公學老者從公游往來相告報縣尹與君侯名落公
卿口湧如波薦舟天子得聞之書下再三求書中願一見不
異旱地蚪何以持為聘束帛藉琳球何以持為御駟馬駕安
輶公方伯夷操事殷不事周我實唐士庶食唐之田疇我聞
天子意安敢專自由來為諫大夫朝夕侍冕旒希夷博
薄俗密勿獻良籌神醫不言術人瘼曾暗瘳月請諫官
俸諸弟相對謀皆曰親戚外酒散目前愁公云不有爾

安得此嘉猷施餘盡酤酒客來相獻酬日旰不謀食春
深仍弊裘人心良感感我樂獨油油真元歲云暮朝有
曲如鈎風波勢奔蹙日光綢繆齒牙屬為猾木黍暗
生蟲豈無司言者肉食吞其喉豈無司搏者利柄扼其
鞴鼻復勢氣塞不可辨薰蕕公雖未顯諫惴惴如患瘤
飛章八九上皆若珠暗投炎炎日將熾積燎無人抽公
乃率其屬決諫同報讎延英殿門外扣閣仍叩頭且曰
事不止臣諫誓不休上知不可遏命以美語酬降官司

成署俾之為贅疣姦心不快活擊刺礪戈矛終為道州
去天道意悠悠遂令不言者反以言為訕喉舌坐成木
鷹鷂化為鳩避權如避虎冠豸如冠猴平生附我者詩
人稱好逌私來一執手恐若墜諸溝送我不出戶決我
不迴眸唯有太學生各具糧與糒咸言公去矣我亦去
荒陬公與諸生別步步駐行騶有生不可訣行行過閩
甌為師得如此得為賢者不道州聞公來鼓舞歌且謳
昔公居夏邑狎人如狎鷗況自為刺史豈復援鼓桴滋

彰一時罷教化天下道炎瘴不得老英華忽已秋有鳥
哭楊震無兒悲鄧攸唯餘門弟子列樹松與楸今來過
此驛若弔汨羅洲祠曹諱羊祜此驛何不侔我願避公
諱名為避賢郵此名有深意蔽賢天所尤吾聞玄元教
日月冥九幽幽陰蔽翳者永為幽翳囚

奉同徐侍郎五雲谿新亭重陽宴集作

獨孤及

萬峯蒼翠色雙谿清淺流已符東山趣況值江南秋白

露天地肅黃花門館幽山公惜美景肯為芳罇留五馬
照池塘繁絃催獻酬風前益嘉帽乘興李膺舟騁望傲
千古當歌遺四愁豈令永和人獨擅山陰遊

高軒過

李賀

華裾織翠青如葱金環壓轡搖玲瓏馬蹄隱耳聲隆隆
入門下馬氣如虹云是東京才子文章鉅公二十八宿
羅心胷元精炯炯貫當中殿前作賦聲摩空筆補造化
天無功厖眉書客感秋蓬誰知死草生華風我今垂翅

附冥鴻他日不差地作龍

郡中與諸文士讌集

韋應物

兵衛森畫戟宴寢凝清香海上風雨至逍遙池閣涼煩
痾正消散嘉賓復滿堂自慙居處崇未覩斯民康理會
是非遣性達形迹忘鮮肥屬時禁蔬果幸見嘗俯飲一
盃酒仰聆金玉章神歡體自輕意欲凌風翔吳中盛文
史羣彥今汪洋方知大藩地豈曰財賦疆

淮南秋夜呈周偁

李嶷

天淨河漢高夜閒砧杵發清秋急如此離恨應難歇風
亂池上螢露光竹門月與君共遊處勿作他鄉別

夜飲東亭

宋之問

春水鳴大壑皓月吐層岑岑壑景色佳慰我遠遊心
芳足幽氣驚棲多衆音高興南山曲長謠橫素琴

讌客詞

張籍

上客不用顧金羈主人有酒君莫違請君看取園中花
地上漸多枝上稀山頭樹綠不見石谿水無風應更碧

人人齊醉起舞時誰覺翻衣與倒幘明朝花盡人已去
此地獨來空遶樹

過賈六

蘇晉

主人病且閒客來情彌適一酌復一笑不知日將夕昨
來屬歡遊於今盡成昔努力持所趣空名定何益

送渾將軍出塞

高適

將軍族貴兵且強漢家已是渾邪王子孫相承在朝野
至今部曲燕支下控絃盡用陰山兒臨陣常騎大宛馬

銀鞍玉勒繡鞶弧每逐嫖姚破骨都李廣由來先將士
衛青未肯學孫吳傳有沙場十萬騎昨日邊庭羽書至
城頭畫角三四聲匣裏寶刀晝夜鳴意氣能甘萬里去
辛勤動作一年行黃雲白草無前後朝望旌旗夕刁斗
塞下應多俠少年關西不見春楊柳從軍但問所從誰
擊劍酣歌當此時遠別無輕繞朝策平戎早寄仲宣詩

送郭大夫再使吐蕃

張說

犬戎廢東獻漢使馳西極長策間酋渠猜阻自夷殛容

髮徂邊歲旌裘弊海色五年一見家妻子不相識武庫
兵猶動金方事未息遠圖俟才智苦節輸筋力脫刀贈
分手書帶加飡食知君萬里侯立功在異域

送張舍人之江東

李白

張翰江東去正值秋風時天晴一鴈遠海闊孤帆遲白
日行欲暮滄波杳難期吳洲如見月千里幸相思

吳興送梁補闕歸朝賦得荻花

朱長文

柳家汀洲孟冬月雲寒水清荻花發一枝特贈朝天人

願比蓬萊殿前雪

送周愿判官歸嶺南

姚係

早蟬望秋鳴夜琴怨離聲眇然多異感值子江山行由
來重義人感激事縱橫往復念遐阻淹留慕平生晨奔
九衢餞暮始萬里程山驛風月樹海門烟霞城易綃泉
源近拾翠沙溆明蘭蕙一為贈貧交空復情

送韓愈從軍

孟郊

志士感恩起變衣非變性親賓改舊觀僮僕生新敬坐

作羣書吟行為孤劍詠始知出處心不失平生正淒淒
天地秋凜凜軍馬令驛塵時一飛物色極四淨王師既
不戰廟略盡無競王粲有所依元瑜初應命一章諭檄
明百萬心氣定今朝旗鼓前笑別大夫盛

送王昌齡赴江寧

岑參

對酒寂不語悵然悲送君明時不得用白首徒攻文澤
國從一官滄波幾千里羣心滿天闕獨去過淮水舊家
富春渚常憶卧江樓自聞君欲行頻夢南徐州窮巷獨

閉門寒燈靜深屋北風吹微雪抱被肯同宿君今到京
口正值桃花時舟中饒孤興湖上多新詩潛蚪且深蟠
黃鶴舉未晚惜君青雲氣努力加飧飯

送李十一尉臨谿

常建

泠泠花下琴君唱渡江吟天際一帆影預懸離別心以
言神僊尉因致瑤華音迴軫撫商調越谿澄碧林

奉送韋起居老舅百日假滿歸嵩陽舊居

權德輿

威鳳翔紫氛孤雲出寥天奇彩與幽姿縹緲皆自然嘗
聞陶唐氏亦有巢許全以茲聳風俗豈必效羈牽大君
遂羣方左史蹈前賢振衣去朝市賜告歸林泉滑和固
難久循性得所便有名皆畏途無事乃真筌舊壑窮杳
窅新潭漾淪漣巖花落又開山月缺復圓輕策逗蘿逕
幅巾凌翠烟機閒魚鳥狎體和芝朮鮮四皓本避難二
疏猶待年況今寰海清復此鬢髮玄顏慙纓上塵未絕
區中緣齊竽終自退心寄嵩峯巔

送從叔簡

孟郊

長安離別道宛在東城隅
寒草根未死愁人心已枯
促促水上影遙遙天際途
生隨昏曉中皆被日月驅
北驥繞山岳南帆指江湖
高蹤一起忽千里在須臾

感別從叔簡再東歸

去年車馬道高槐結浮陰
下有名利人一人千萬心
黃鶴共遠語滄溟無近溥
苦苦靜退姿泠泠思歸吟
菱唱忽生聽芸書迴望深
清風散言笑餘花綴衣襟
獨恨魚

鳥別一飛將一沈

送弟郢東歸

爾去東南夜我無西北夢誰言貧別易貧別愁更重曉
色奪明月征人逐羣動春風楚濤高旅榜將誰共

盧十五竹亭送姪偁歸山

楊衡

落葉寒擁壁清霜夜霑石正是憶山時復送歸山客殷
勤一樽酒曉月當窻白

送李觀韓愈別兼獻張徐州

孟郊

富別愁在顏貧別愁銷骨懶磨舊銅鏡畏見新白髮古
樹春無花子規啼有血離絃不堪聽一聽三四絕世途
非一險俗慮各千結有客步大方驅車獨迷轍故人韓
與李逸翰雙皎潔哀哉摧折歸贈詞縱橫設徐方國號
在元戎天下傑禰生投刺遊王粲吟詩謁高情無遺照
朗抱開曉月有土不埋冤有讎皆為雪願為直草木永
向君地列願為古琴瑟永向君地發欲識丈夫志曾將
孤劍說

送狄宗亨

王昌齡

秋在水清山暮蟬
洛陽樹色鳴臯烟
送君歸去愁不盡
又惜空度涼風天

送孟浩然之廣陵

李白

故人西辭黃鶴樓
烟花三月下揚州
孤帆遠影碧山盡
唯見長江天際流

送客

陳子昂

故人洞庭去
楊柳春風生
相送河洲晚
蒼茫別思盈
白

蘋已堪把綠芷復含榮江南多桂樹歸客贈生平

送唐次

武元衡

都門去馬嘶灞水東流淺青槐驛路長白日離亭晚望
望烟景微草色行人遠

送皇甫湜赴舉

馬異

馬蹄聲特特去入天子國借問去是誰秀才皇甫湜含
吐一腹文八音兼五色主文有崔李郁郁為朝德青銅
鏡必明朱絲繩必直稱意太平年願子長相憶

送張宗原

姚合

東門送客道春色如死灰一客失意行十客顏色低住
者既無家去者又非歸愁窮一成疾百藥不可治子賢
我且愚命分不合齊誰開蹇躓門日日同遊栖子行何
所之切切食與衣誰能買仁義令子無寒飢野田不生
草四向生路歧士人甚商賈終日須東西鴻雁春北去
秋風復南飛勉君向前路無失相見期

送綦毋潛落第還鄉

王維

聖代無隱者英靈盡來歸遂令東山客不作顧采薇既
至君門遠孰云吾道非江淮度寒食京兆縫春衣置酒
長亭送同心與我違行當浮桂棹未幾拂荆扉遠樹帶
行客孤村當落暉吾謀適不用勿謂知音稀

送暨道士還玉清

李頎

仙官有名籍度世吳江濱大道本無我青春長與君中
州俄已到至理得而聞明主降黃屋時人看白雲空山
何窈窕三秀日氛氲遂此留書客超遙烟駕分

淇上別趙仙舟

王維

相逢方一笑相送還成泣
祖席已傷離荒城復愁入
天寒遠山靜日暮長江急
解纜君已遙望君空佇立

送沈秀才下第東歸

賈島

曲言惡者誰悅耳如彈絲
直言好者誰刺耳如長錐
沈生才俊秀心腸無邪欺
君子忌苟合擇交如求師
毀出嫉夫口騰入禮部
闈下第子不恥遺才人恥之
東歸家堂遠掉轡時參差
浙雲近吳見汴柳接楚垂
明年春光

別迴首不復疑

崔九弟欲往南山

王維

城隅一分手，幾日還相見。山中有桂花，莫待花如霰。

崔九欲往南山馬上口號與別 裴迪

歸山深淺去，須盡邱壑美。莫學武陵人，暫遊桃源裏。

留別

崔興宗

駐馬欲分襟，清寒御溝上。前山景氣佳，獨往還惆悵。

贈別沈四逸人

高適

沈侯未可測其況信浮沈十載常獨坐幾人知此心乘
舟蹈滄海買劍投黃金世務不足煩有田西山岑我行
遇知己遂得開清襟何意閩閩間沛然江海深疾風掃
秋樹濮上多鳴砧耿耿罇酒前聯雁飛愁陰平生重離
別感激對孤琴

送豆盧策歸別墅

孟郊

短松鶴未巢高石雲始棲君為蕭灑去性與雲鶴齊力
買奇險地手開清淺溪身披薜蘿襟山陟莓苔梯一卷

冰雪文避俗常自攜

送柳淳入關

青山輾為塵白日無閒人自古推高車爭利西入秦王
門與侯門待富不待貧空齋一束書獨去誰相親

唐文粹卷十五上

欽定四庫全書

唐文粹卷十五下

宋 姚鉉 編

詩辛

摠六十六首

古調歌篇四

行役二十

歧路

鮑溶

秋入關

賈馳

晨裝行

歐陽詹

蜀道後期

張說

蜀中將歸留辭韋相公

歐陽詹

襄陽路逢寒食

張說

巡邊在河北作

奉和左司員外先赴長安逢立春日贈韋侍

郎等諸公

孫逖

初發太原至途中寄太原所思

歐陽詹

西還至散關荅喬補闕

陳子昂

剡溪行却寄新別者

朱倣

早發龍且館舟中寄東海李司倉鄭司戶

獨

孤及

曉發

賀知章

月夜江行

權德輿

江行四首

江行

柳中庸

懷寄二十七

新都南亭別郭大元振

盧崇道

寄侍御從舅

權德輿

秋莫山中寄李益端公

鮑溶

寄趙七侍御因叙疇年之素寄懷於篇

李華

偶題安州浮雲寺樓寄湖州張郎中

杜牧

魏州從事寄耿拾遺

姚合

洪州客舍寄柳博士芳

薛業

岳州張史君與王都督別詩二首因遙申和

韋嗣立

留別袁丞

王昌齡

舟中懷閩士和

釋皎然

秋山寄陳讜言

王昌齡

海上寄蕭五

獨孤及

懷鄭洎

孟遲

杼山禪居寄贈東溪吳處士

釋皎然

寄廬山隱者

楊衡

春夢

岑參

贈遠

陸龜蒙

河梁別

馬戴

有所思

盧仝

寄遠

李白

寄遠

賈島

怨情

李白

生別離

白居易

別離

陸龜蒙

離怨

張籍

春愁

韓琮

和贈遠

獨孤及

失意九

傷歌行

張籍

遷謫江表久未歸

竇參

失志夜坐思歸楚江

孟郊

失意歸吳寄劉侍郎

荅李昌期

楊洵美

莫相疑行

杜甫

王夫子

白居易

孟先生詩

韓愈

徐十八晦落第

歐陽詹

疾病三

溫泉莊卧病寄楊七炯

宋之問

夏中訓于逃畢耀問病見贈

獨孤及

秋園卧疾呈暉上人

陳子昂

傷悼七

荅宋主簿兼貽平昔遊舊

盧藏用

對酒憶賀監三首

李白

哭玄英方干先生

孫邵

吊王將軍墓

常建

國殤 孟郊

歧路

鮑溶

北風送微寒徒侶勤遠程憂人席不暖殘月馬上明飄
飄歧路間長見日初生重嶂曉色淺踈猿寒啼清人間
多歧路常恐終身行迴見四方人車輪無留聲空谷亦
堪隱下田非懶耕古人有遺訓飽食非親榮我生禮義
鄉少小見太平聖賢猶羈旅況復非其名

秋入關

賈馳

河上微風來關頭樹初濕今朝關城吏又見孤客入上
國誰與期西來徒自急

晨裝行

歐陽詹

村店月西入山枝鳴鳩聲永裝徹夜席束囊事晨征寂
寂人尚眠悠悠天未明豈無偃息心所務前有程

蜀道後期

張說

客心爭日月來往預期程秋風不相待先至洛陽城

蜀中將歸留辭韋相公

歐陽詹

寧體即雲構方前恒玉食貧居豈及此要欲懷歸憶在
夢關山遠如流歲華逼明晨首鄉路迢遞孤飛翼

襄陽路逢寒食

張說

去年寒食洞庭波今年寒食襄陽路不辭著處尋山水
祇畏還家落春暮

巡邊在河北作

去年六月西河西今年六月北河北沙場磧路何為爾
重氣輕生知許國人生在世能幾時壯年征戰髮如絲

會待安邊報明主作頌封山也未遲

奉和左司員外自洛使入京中路先赴長安逢立

春日贈韋侍郎等諸公

孫逖

拜郎登省闈奉使馳車乘遙瞻使者星便是南宮應臺
妙時放言皇華德彌稱二陝聽風謠三秦望形勝此中
睽友益是日多詩興寒盡歲陰催春歸物華證

忽覩雲間數雁迴更逢山上花正開河邊淑氣迎芳草
林下輕風待落梅秋憲府中高唱入春卿署裏和聲來

共言東閣招賢地自有西征謝傅才

初發太原途中寄太原所思
歐陽詹

鷗鳥覺漸遠迴頭長路塵高城已不見
況復城中人去意自未甘居情諒猶辛
五原東北晉千里西南秦一履不出門
一車無停輪流萍與繫匏早晚期相親

西還至散關答喬補闕
陳子昂

歲蕤蒼梧鳳嘹唳白露蟬羽翰本非匹
結交何獨全昔君事胡馬余得奉戎旃
攜手同沙塞關河緬幽燕芳歲

幾陽止白日屢徂遷功業雲臺薄平生玉佩捐歎此南
歸日猶聞北戍邊代水不可陟巴江亦潺湲攬衣度函
谷銜涕望秦川蜀門自茲始雲山方浩然

剡溪行却寄新別者

朱倣

潺湲寒谿上自此成離別回首望歸人移舟逢暮雪頻
行識草樹漸老傷年髮唯有白雲心為向東山月

早發龍且館舟中寄東海李司倉鄭司戶

獨孤及

沙禽相呼曙色分
漁浦鳴榔十里聞
正當秋風度楚水
沉值遠道傷離羣
津頭却望後湖岸
別處已隔東山雲
亭艫目送北歸翼
惜無瑤華持寄君

曉發

賀知章

故鄉杳無際
江臯聞曙鐘
始見沙上鳥
猶埋雲外峯

月夜江行

權德輿

扣舷不能寐
浩露清衣襟
彌傷孤舟夜
遠結萬里心
幽興惜遙草
素懷寄鳴琴
三奏月初上
寂寥寒江深

江行四首

曉

曉風搖五兩殘月映石壁稍稍曙光開片帆在空碧

晝

孤舟漾暖景獨鶴下秋空安流日正晝淨淥天無風

晚

古樹夕陽盡空江暮靄收寂寞扣舷坐獨生千里愁

夜

猿聲到枕上愁夢紛難理寂寂深夜寒清霜落秋水

江行

柳中庸

繁陰乍隱洲落葉初飛浦蕭蕭楚客帆暮入寒江雨

新都南亭別郭大元振

盧崇道

竹徑女蘿蹊蓮洲文石隄靜深人俗斷尋玩往還迷碧
潭秀初月素林驚夕棲褰幌納鳥侶罷琴聽猿啼佳辰
改宿昔勝寄坐睽攜長懷賞心愛如玉復如珪

寄侍御從舅

初免職歸東山

權德輿

靡靡南軒蕙迎風轉芬滋落落幽澗松百尺無附枝世
物自多故達人心不羈偶陳幕中畫未負林間期感恩
從慰薦循性難繫維野鶴無俗質孤雲多異姿清泠松
露泣照灼巖花遲終當稅塵駕來就東山嬉

秋暮山中寄李益端公

鮑溶

舊事與日遠酒花仍舊香前年繡衣客此節過此堂侍
臣不自高笑解繡衣裳眠雲有餘態入鳥不亂行我恐
雲嵐色損君鞍馬光君言此何言今日皆異鄉明日非

今日下山道路長一從下山去天地再炎涼此期果難
得夢君馬玄黃

寄趙七侍御自餘干谿行經弋陽至上饒山川幽
麗思與雲卿同遊邈不可得因叙疇年之素寄懷

於篇

李華

搖漿曙江流江晴山復重心愜賞未足川迴失前峰凌
灘出極浦曠若天地通君陽青嵯峨開坼混元中九潭
魚龍窟仙成羽人宮陰奧潛鬼物精光動煙空玄猿啼

深艷

十定反楚越謂竹樹深者為艷

白鷗戲葱蒙飛湍鳴金石激溜鼓

雷風雨濯萬木鮮霞照千山濃草閒長餘綠花淨落幽

紅渚煙見晨釣山月聞夜春覆谿窈窕波涵石洶溶溶

丹邱忽聚散素壁相奔衝白日破昏靄靈山出其東勢

排昊蒼上氣壓吳越雄迴頭望雲卿此恨發吾衷昔日

蕭邵遊四人纔成童

華與趙七侍御驛故蕭十功曹穎士故邵十六軫未冠遊太學皆苦

貧共弊同年三人登科相次典校邵後三人及第也

屬詞慕孔門入仕希上公緯

卿陷非罪折我昆吾鋒

邵字緯卿以寬橫貶卒南中

茂挺獨先覺拔

身渡京虹斯人謝明代百代隆鵠鴻

蕭天寶未知亂棄官往江東殯墓先

人逝于江南

世故墜橫流與君哀路窮

逆胡臨兩京華與趙受辱賊中

相顧

無死節蒙恩逐殊封

華貶杭州司功趙貶泉州晉江尉

天波洗其瑕朱

衣備朝容

華承恩累遷尚書郎趙拜補闕御史

一別凡十年豈期復相從

餘生得攜手遺此兩孱翁羣遷失鷺羽後凋惜長松衰

旅難重別悽悽滿心曾遇勝悲獨遊貪奇悵孤逢禽尚

彼何人胡為束樊籠吾師度門教投弁躡遐蹤

題安州浮雲寺樓寄湖州張郎中

杜牧

去夏疎雨餘同倚朱欄語當時樓下水今日到何處恨
如春草多事與孤鴻去楚岸柳何窮別愁紛若絮

魏州從事寄耿拾遺

姚合

少在兵馬間長還繫戎職雞飛不得遠豈要生羽翼三
年城中遊與君最相識應知我衷腸不苟念衣食主人
樹勲名欲滅天下賊愚雖乏智謀願陳一夫力人生須
氣健飢凍縛不得睡當一席寬覺乃千里窄古人不懼

死所懼死無益至交不可合一合難離折君嘗相勸勉
苦語毒胃臆百年心知聞誰限河南北

洪州客舍寄柳博士

芳

薛業

去年燕巢主人屋今年花發路傍枝年年為客不到舍
舊國存亡那得知胡塵一起天下亂何處春風無別離
予昔忝省閣與岳州張使君潭州王都督同官聯
事後承朝譴各自東西張公與王都督別詩二首
情頗殷切予覽以歎因遙申和云

韋嗣立

茂先王佐才作牧楚江隈登樓正欲賦復遇仲宣來黃
鵠飛將遠雕龍文為開寧知昔聯事聽曲有餘哀

昔時陪二賢纓冕會神仙一去馳江海相逢共播遷無
因千里駕忽覩四愁篇覽諷歎何已歎終徒愴然

留別武陵袁丞

王昌齡

皇恩暫遷謫待罪逢知己從此武陵谿孤舟二十里桃
花遺古岸金澗流春水誰識馬將軍忠貞抱生死

舟行懷閩士和

釋皎然

二月湖南春草遍橫山渡口花如霰
相思一日在孤舟
空見歸雲三兩片

秋山寄陳讜言

王昌齡

巖間寒事早衆山木已黃北風何蕭蕭
茲夕露為霜感
激不能寐中宵時慨慷黃蟲初悲鳴
玄鳥去我梁獨卧
時易晚離羣情更傷思君若不及鴻雁
今南翔

海上寄蕭五

獨孤及

朔風剪塞草寒露日夜結行行屆瀛壖歸思生暮節驛
樓見萬里延首望遼碣遠海入大荒平蕪際窮髮舊國
在夢想故人且胡越契濶阻風期荏苒成雨別海西望
京口兩地各天末索居動經秋載笑知曷月日窮南望
盡唯見飛鳥滅音塵未易得何以慰飢渴

懷鄭洎

孟遲

風蘭舞幽香雨葉墮寒滴美人來不來前山看向夕

杼山禪居寄東谿吳處士

釋皎然

青雲何潤澤下有賢人隱路入菱湖深跡與黃鶴近野
風吹白芷山月搖清軫詩祖吳叔庠到君才不盡身當

青山秀

詩曰家住青山下青山有
吳均故宅後改為吳均山

文體多郢聲澄徹湘

水碧沈寥楚天清時人格不同至今罕知名昔賢敦師
友此道獨君行既得廬霍趣乃高雷遠情別時春風多
掃盡雪山雪為君中夜起孤坐石上月悠然遺塵想邈
矣達性說故人不在茲幽桂惜未結

宿吉祥寺寄廬山隱者

楊衡

風鳴雲外鐘鶴宿千年松相思杳不見月出山重重

春夢

岑參

洞房昨夜春風起遙憶美人湘江水枕上片時春夢中行盡江南數千里

贈遠

陸龜蒙

茱萸匣中鏡欲照心還懶本是細腰人別來羅帶緩從君出門後不奏雲和管妾思冷如簧時時望君暖心期夢中見路永魂夢短怨坐泣西風秋窻月華滿

河梁別

馬戴

河梁送別者行哭半非親
此地足征戰胡天多殺人
金壘照離席寶瑟凝殘春

有所思

盧仝

當時我醉美人家美人顏色嬌如花
今日美人棄我去青樓珠箔天之涯
娟娟常娥月三五二八盈又缺
翠眉蟬鬢生別離一望一見心斷絕
心斷絕幾千里夢中醉卧巫山雲
覺來淚滴湘江水平江兩岸花木深
美人不見愁

人心含愁更奏綠綺琴調高絃絕無知音美人兮美人
不知為暮雨兮為朝雲相思一夜梅花發忽到窻前疑
是君

寄遠

李白

美人在時花滿堂美人去後空餘牀牀中繡被卷不寢
至今三載聞餘香香亦竟不滅人亦竟不來相思黃葉
落白雪濕青苔

寄遠

賈島

別腸多鬱紆豈能肥肌膚始知相結密不及相結疎疎
別恨應少密離恨難祛門前南流水中有北飛魚魚飛
向北海可以寄遠書不惜寄遠書故人今在無況此數
尺身阻彼萬里途自非日月光難以知子軀

怨情

李 白

新人如花雖可寵故人似玉由來重花性飄揚不自持
玉心皎潔終不移故人昔新今尚故還見新人有故時
請看陳后黃金屋寂寂珠簾生網絲

生別離

白居易

食藥不易食梅難藥能苦兮梅能酸未如生別之為難
苦在心兮酸在肝晨雞載鳴殘月沒征馬重嘶行人出
迴看骨肉哭一聲梅酸藥苦甘如蜜黃河水白黃雲秋行
人河邊相對愁天寒野曠何處宿棠梨葉戰風颼生離
別憂從中來無斷絕憂積心勞血氣衰末年三十生白髮

別離

陸龜蒙

丈夫非無淚不灑離別間仗劍對樽酒恥為游子顏
蜩

蛇一螫手壯士疾解腕所志在功名離別何足歎

雜怨

張籍

切切重切切秋風桂枝折人當少年嫁我常少年別念
君非征行年年長遠途妾身甘獨歿高堂有舅姑山川
豈遙遠行人自不返

春愁

韓琮

金烏長飛玉兔走青鬢長青古無有秦蛾十六語如絃
未解貪花惜楊柳吳魚嶺雁無消息水盼蘭情別來久

勸君年少莫遊春暖風遲日濃如酒

和贈遠

獨孤及

憶得去年春風至中庭桃李映璫窻美人挾瑟對芳樹
玉顏亭亭與花雙今年新花如舊時去年美人不在茲
借問離居恨深淺祇應獨有庭花知

傷歌行

張籍

黃門詔下促收捕京兆尹繫御史府出門無復部曲隨
親戚相逢不容語辭成謫尉南海州受命不得須臾留

身著青衫騎惡馬東門之東無送者郵夫防吏急喧驅
往往驚墮馬蹄下長安里中荒大宅東門已除十二戟
高堂舞榭鑠管弦美人遙望西南天

遷謫江表久未歸

竇參

一自經放逐徘徊無所從便為出山雲不隨飛去龍名
豈不欲保歸豈不欲早苟無三月資難適千里道離心
與羈思終日常草草人生年幾齊憂苦則先老誰能假
羽翼使我暢懷抱

失志夜坐思歸楚江

孟郊

夜學曉未休苦吟神鬼愁如何不自閒心與身為讎死
辱片時痛生辱長年羞青桂無直枝碧江思舊遊

失意歸吳寄劉侍郎

自念西上身忽隨東歸風長安日下影又落江湖中離
婁豈不明子野豈不聰至寶非眼別至音非耳通因緘
俗外辭遠寄高天鴻

荅李昌期

楊洵美

金步四
卷十五下
三山載羣仙我我鹹浪中霞衣翦不得此路安可從我
生亦何事出門如飛蓬白日又黃昏所悲瑤草空蟲聲
故鄉夢枕上禾黍風吾道如未喪天運何時通

莫相疑行

杜甫

男兒生無所成頭皓白牙齒欲落真可惜憶獻三賦蓬
萊宮自怪一日聲烜赫集賢學士如堵牆觀我落筆中
書堂往時文彩動人主今日飢寒趨路傍晚晚將末契託
年少當面輸心背面笑寄謝悠悠世上兒莫爭好惡莫

相疑

王夫子

白居易

王夫子送君為一尉東南三千五百里道途雖遠位雖卑月俸猶堪活妻子男兒口讀古人書束帶歛手來從仕近將徇祿給一家遠則行道佐時理行道佐時須待命委身下位無為恥命苟未來且求食官無高卑及遠邇男子上既未能濟天下下又不至飢寒死吾觀九品至一品其間氣味都相似紫綬朱衣青布衫顏色不同

而已矣王夫子別有一事欲勸君遇酒逢花且歡喜

孟先生詩

韓愈

孟生江海士古貌又古心嘗讀古人書謂言古猶今作
詩三百首窅然咸池音騎驢到京國欲知薰風琴豈識
天子居九重鬱沈沈一門百夫守無籍不可尋晶光蕩
相射旗戟翩以森遷延乍卻走驚怪靡自任舉頭看白日
泣涕下沾襟竭來遊公卿莫肯低華簪諒非軒冕族應
對多差參萍蓬風波急桑榆日月侵奈何從進士此路

轉嶮嶽異質忌處羣孤芳難寄林誰憐松桂性競愛桃
李陰朝悲辭樹葉夕感歸巢禽顧我多慷慨窮簷時見
臨清宵靜相對髮白恥苦吟採蘭赴幽念眇然望東南
秦吳修且阻兩地無數金我論徐方牧好古天下欽竹
實鳳所食德馨神所歆求觀衆邱小必上泰山岑求觀
衆流細必泛滄溟深子其聽我言可以當所箴既獲則
思返無為久滯淫卞和試三獻期子在秋碁

徐十八晦落第

歐陽詹

嘉穀不夏熟大器當晚成徐生異凡鳥安得非時鳴汲
汲有攸為驅驅無本情懿哉蒼梧鳳終見排雲征

溫泉莊卧病寄楊七炯

宋之問

多病卧茲嶺寥寥倦幽獨賴有嵩邱山高枕長在目茲
山棲靈異朝夜翳雲族是日濛雨晴返景入巖谷纂纂
緣澗草菁菁山下木此意方無窮環顧悵林麓伊洛何
悠漫洲源信重複夏餘鳥獸蕃秋末禾黍熟秉願守樊
圃歸閒欣藝牧惜無載酒人徒把涼泉掬

夏中訓于述畢耀問病見贈

獨孤及

救物智所昧學仙願未從行藏兩乖角蹭蹬風波中淪
跡未攄念卧疴非養蒙閉關涉兩旬羈思浩無窮驚驚
何處來雙舞下碧空離別隔雲雨惠然此相逢把手賀
疾間舉杯欣酒濃新詩見久要清論激深衷高館舒夏
簟開門延微風火雲赫差我日暮千萬峰遙指故山笑
相看撫號鐘聲和由心親事感知氣同出處未易料且
歌緩愁容願君崇明德歲暮如青松

秋園卧疾呈暉上人

陳子昂

幽寂曠日遙林園轉清密疲痾澹無豫獨坐泛瑤瑟懷
挾萬古情憂虞百年疾縣縣多滯念忽忽每如失緬想
赤松遊高尋紫庭逸勞慙始都喪幽人遂貞吉圖書紛
滿牀山水藹盈室宿昔心所尚平生自茲畢願言誰見
知梵筵有同術八月高秋晚涼風正蕭瑟

宋侯鳴臯夢趙六予未及報而陳子云亡今追為
此詩荅宋主簿兼貽平昔舊遊 盧藏用

暮川罕停波朝雲無留色故人琴與詩可存不可識
心尚可親琴詩非故人鳴臯初夢趙蜀國已悲陳感化
傷淪滅魂交昔未申冥期失幽報茲理復今晨前嗟成
後泣已矣將何及舊感與新悲虛懷疇昔時趙侯鴻寶
氣獨負青雲姿羣有含妙識衆象懸清機雄談盡物變
精義解人頤在陰既獨善幽躍目為疑踈彼千里足傷
哉一尉欺陳生富清理卓犖兼文史思緝巫山雲調逸
岷江水鏗鏘哀忠義感激懷知已負劍登薊門孤遊入

燕市浩歌去京國歸守西山趾幽居探元化立言見千
祀埋沒經濟情良圖竟云已坐憶平生遊十載懷嵩邱
題書滿古壁採藥遍巖幽子微化金鼎僊笙不可求榮
哉宋與陸名宦美中州存亡一睽阻歧路方悠悠自余
事山海及茲人世改傳聞當世榮皆是古人名無復平
原賦空餘隣笛聲泣對西州使悲訪北邙塋新墳蔓宿
草舊闕毀殘銘為君成此曲因言寄友生默語無窮事
凋傷共此情

對酒憶賀監二首

并序

李白

太子賓客賀監於長安一見呼予為謫仙人因解金龜
換酒為樂沒後對酒悵然有懷而作是詩

四明有狂客風流賀季真長安一相見呼我謫仙人昔
好杯中物今為松下塵金龜換酒處却憶淚沾巾

狂客歸四明山陰道士迎勅賜鏡湖水為君臺沼榮人
亡餘故宅空有荷花生念此杳如夢悽然傷我情

重憶一首

欲向江東去定將誰舉杯稽山無賀老却棹酒船迴

哭玄英方干先生

孫 邵

斗牛文星落知是先生死湖上聞哭聲門前見彈指官
無一寸祿名傳千萬里死著紙衣裳生誰念朱紫我心
痛其語淚落不能已猶喜韋補闕揚名獻天子

弔王將軍基


常 建

嫖姚北伐時深入強千里戰餘落日黃軍敗鼓聲死常
聞漢飛將可奪單于壘今與山鬼隣殘兵哭遼水

國殤

孟郊

徒言人最靈白刃亂縱橫誰言當春死不及羣草生堯
舜宰乾坤器農不器兵秦漢盜山岳鑄殺不鑄耕天地
莫生金生金人起爭



唐文粹卷十五下

吾愛李太白身是酒星魄口吐天上文跡作人間客碑

何千丈林澄澈萬尋碧醉中草樂府十幅筆一息召見
承明廬天子親賜食醉曾吐御床傲幾觸天澤權臣妬
逸才心如斗筭窄失恩出內署海岳甘自適刺謁戴接
羅赴宴着穀屨諸侯百步迎明君九天憶竟遭腐脅疾
醉魄歸八極大鵬不可籠大椿不可摘蓬壺不可見姑
射不可識五岳為辭鋒四溟作胃臆惜哉千萬年此後不
可得

欽定四庫全書

唐文粹
卷十五上

白太傳

吾愛白樂天逸才生自然誰謂詞翰器乃是經濟賢
從浮豔詩作得典詰篇立身百行足為文六藝全清望
逸內署直聲驚諫垣所刺必有思所臨必有傳忘形任
詩酒寄傲遍林泉所望握文柄所希持化權何期遇訾
毀中道多左遷天下皆汲汲樂天獨怡然天下皆悶悶
樂天獨捨旃高吟辭兩掖清嘯罷三川處世似孤鶴遺
榮同蛭蟬仕若不得志可為龜鏡焉

陽城驛

元稹

商有陽城驛名同陽道州陽公沒已久感我淚交流昔
公孝父母行與曾閭儔既孤善兄弟兄弟和且柔一夕
不相見若懷三歲憂遂誓不婚娶沒齒同衾綢妹夫死
他縣遺骨無人收公令季弟往公與仲弟留相別竟不
得三人同遠遊共負他鄉骨歸來藏故邱棲遲居下邑
邑人無苟偷里中競長短來問方與優官刑一朝耻公
短終身羞公亦不遺布人自不盜牛問公何德爾忠信

欽定四庫全書

唐文粹
卷十五上

先自修發言當道理不顧黨與讎聲香漸翕習冠蓋若雲浮
少者從公學老者從公游往來相告報縣尹與君侯名落公
卿口湧如波薦舟天子得聞之書下再三求書中願一見不
異旱地蚪何以持為聘束帛藉琳球何以持為御駟馬駕安
輶公方伯夷操事殷不事周我實唐士庶食唐之田疇我聞
天子意安敢專自由來為諫大夫朝夕侍冕旒希夷博
薄俗密勿獻良壽神醫不言術人瘼曾暗瘳月請諫官
俸諸弟相對謀皆曰親戚外酒散目前愁公云不有爾

安得此嘉猷施餘酤酒客來相獻酬日旰不謀食春
深仍弊裘人心良感感我樂獨油油真元歲云暮朝有
曲如鈎風波勢奔感日月光綢繆齒牙屬為猾木黍暗
生蟲豈無司言者肉食吞其喉豈無司搏者利柄扼其
鞬鼻復勢氣塞不可辨薰蕕公雖未顯諫惴惴如患瘤
飛章八九上皆若珠暗投炎炎日將熾積燎無人抽公
乃率其屬決諫同報讎延英殿門外扣閣仍叩頭且曰
事不止臣諫誓不休上知不可遏命以美語酬降官司

欽定四庫全書

唐文粹
卷十五上

十四

成署俾之為贅疣姦心不快活擊刺礪戈矛終為道州
去天道意悠悠遂今不言者反以言為詆喉舌坐成木
鷹鷂化為鳩避權如避虎冠豸如冠猴平生附我者詩
人稱好速私來一執手恐若隆諸溝送我不出戶決我
不迴眸唯有太學生各具糧與糒咸言公去矣我亦去
荒陬公與諸生別步步駐行駒有生不可訣行行過閭
甌為師得如此得為賢者不道州聞公來鼓舞歌且謳
昔公居夏邑狎人如狎鷗况自為刺史豈復援鼓桴滋

彰一時罷教化天下道炎瘴不得老英華忽已秋有鳥
哭楊震無兒悲鄧攸唯餘門弟子列樹松與楸今來過
此驛若弔汨羅洲祠曹諱羊枯此驛何不侔我願避公
諱名為避賢郵此名有深意蔽賢天所尤吾聞玄元教
日月冥九幽幽陰蔽翳者永為幽翳囚

奉同徐侍郎五雲谿新亭重陽宴集作

獨孤及

萬峯蒼翠色雙谿清淺流已符東山趣況值江南秋白

欽定四庫全書

唐文粹
卷十五上

十五

露天地肅黃花門館幽山公惜美景肯為芳罇留五馬
照池塘繁絃催獻酬風前並嘉帽秉興李膺舟騁望傲
千古當歌遺四愁豈令永和人獨擅山陰遊

高軒過

李賀

華裾織翠青如葱金環壓轡搖玲瓏馬蹄隱耳聲隆隆
入門下馬氣如虹云是東京才子文章鉅公二十八宿
羅心胷元精炯炯貫當中殿前作賦聲摩空筆補造化
天無功厖眉書客感秋蓬誰知死草生華風我今垂翅

附冥鴻他日不羞地作龍

郡中與諸文士讌集

韋應物

兵衛森畫戟宴寢凝清香海上風雨至逍遙池閣涼煩
痾正消散嘉賓復滿堂自慙居處崇未覩斯民康理會
是非遣性達形迹忘鮮肥屬時禁蔬果幸見嘗俯飲一
盃酒仰聆金玉章神歡體自輕意欲凌風翔吳中盛文
史羣彥今汪洋方知大藩地豈曰財賦疆

淮南秋夜呈周偁

李嶷

欽定四庫全書

唐文粹
卷十五上

六

天淨河漢高夜閒砧杵發清秋急如此離恨應難歇風
亂池上螢露光竹門月與君共遊處勿作他鄉別

夜飲東亭

宋之問

春水鳴大壑皓月吐層岑岑壑景色佳慰我遠遊心閣
芳足幽氣驚樓多衆音高興南山曲長謠橫素琴

讌客詞

張籍

上客不用顧金鸞主人有酒君莫違請君看取園中花
地上漸多枝上稀山頭樹綠不見石谿水無風應更碧

人人齊醉起舞時誰覺翻衣與倒幘明朝花盡人已去
此地獨來空遶樹

過賈六

蘇晉

主人病且閒客來情彌適一酌復一笑不知日將夕昨
來屬歡遊於今盡成昔努力持所趣空名定何益

送渾將軍出塞

高適

將軍族貴兵且強漢家已是渾邪王子孫相承在朝野
至今部曲燕支下控絃盡用陰山兒臨陣常騎大宛馬

欽定四庫全書

唐文粹
卷十五上

七

銀鞍玉勒繡轡孤每逐嫖姚破骨都李廣由來先將士
衛青未肯學孫吳傳有沙場十萬騎昨日邊庭羽書至
城頭畫角三四聲匣裏寶刀晝夜鳴意氣能甘萬里去
辛勤動作一年行黃雲白草無前後朝望旌旗夕刁斗
塞下應多俠少年關西不見春楊柳從軍但問所從誰
擊劍酣歌當時遠別無輕繞朝策平戎早寄仲宣詩

送郭大夫再使吐蕃

張說

犬戎廢東獻漢使馳西極長策問酋渠猜阻自夷殛容

髮徂邊歲旌裘弊海色五年一見家妻子不相識武庫
兵猶動金方事未息遠圖侯才智苦節輸筋力脫刀贈
分手書帶加飡食知君萬里侯立功在異域

送張舍人之江東

李白

張翰江東去正值秋風時天晴一鴈遠海闊孤帆遲白
日行欲暮滄波杳難期吳洲如見月千里幸相思

吳興送梁補闕歸朝賦得荻花

朱長文

柳家汀洲孟冬月雲寒水清荻花發一枝特贈朝天人

欽定四庫全書

唐文粹
卷十五上

六

願比蓬萊殿前雪

送周愿判官歸嶺南

姚係

早蟬望秋鳴夜琴怨離聲眇然多異感值子江山行由
來重義人感激事縱橫往復念遐阻淹留慕平生晨奔
九衢餞暮始萬里程山驛風月樹海門烟霞城易綃泉
源近拾翠沙渚明蘭蕙一為贈貧交空復情

送韓愈從軍

孟郊

志士感恩起變衣非變性親賓改舊觀僮僕生新敬坐

作羣書吟行為孤劍詠始知出處心不失平生正淒淒
天地秋凜凜軍馬令驛塵時一飛物色極四淨王師既
不戰廟略盡無競王粲有所依元瑜初應命一章諭檄
明百萬心氣定今朝旗鼓前笑別大夫威

送王昌齡赴江寧

岑參

對酒寂不語悵然悲送君明時不得用白首徒攻文澤
國從一官滄波幾千里羣心滿天闕獨去過淮水舊家
富春渚常憶卧江樓自聞君欲行頻夢南徐州窮巷獨
閉門寒燈靜深屋北風吹微雪抱被肯同宿君今到京
口正值桃花時舟中饒孤興湖上多新詩潛蚪且深蟠
黃鶴舉未晚惜君青雲氣努力加飧飯

送李十一尉臨谿

常建

泠泠花下琴君唱渡江吟天際一帆影預懸離別心以
言神僊尉因致瑤華音迴軫撫商調越谿澄碧林
奉送韋起居老舅百日假滿歸嵩陽舊居

權德輿

欽定四庫全書

唐文粹
卷十五上

九

威鳳翔紫氛孤雲出寥天奇彩與幽姿縹緲皆自然嘗
聞陶唐氏亦有巢許全以茲聳風俗豈必效羈牽大君
遂羣方左史蹈前賢振衣去朝市賜告歸林泉滑和固
難久循性得所便有名皆畏途無事乃真筌舊壑窮香
窹新潭漾淪漣巖花落又開山月缺復圓輕策逗蘿迤
幅巾凌翠烟機閑魚鳥狎體和芝朮鮮四皓本避難二
疏猶待年况今寰海清復此鬢髮玄顧慙纓上塵未絕
區中緣齊等終自退心寄嵩峯巔

欽定四庫全書

唐文粹
卷十五上

子

送從叔簡

孟郊

長安離別道宛在東城隅寒草根未死愁人心已枯促
促水上影遙遙天際逢生隨昏曉中皆被日月驅北驥
繞山岳南帆指江湖高蹤一起忽千里在須臾

感別從叔簡再東歸

去年車馬道高槐結浮陰下有名利人一人千萬心黃
鶴共遠語滄溟無近溥苦苦靜退姿泠泠思歸吟菱唱
忽生聽芸書迴望深清風散言笑餘花綴衣襟獨恨魚

鳥別一飛將一沈

送弟郢東歸

爾去東南夜我無西北夢誰言貧別易貧別愁更重曉
色奪明月征人逐羣動春風楚濤高旅榜將誰共

盧十五竹亭送姪偁歸山

楊衡

落葉寒擁壁清霜夜露石正是憶山時復送歸山客殷
勤一樽酒曉月當窻白

送李觀韓愈別兼獻張徐州

孟郊

欽定四庫全書

唐文粹
卷十五上

子

富別愁在顏貧別愁銷骨懶磨舊銅鏡畏見新白髮古
樹春無花子規啼有血離絃不堪聽一聽三四絕世途
非一險俗慮各千結有客步大方驅車獨迷轍故人韓
與李逸翰雙皎潔哀哉摧折歸贈詞縱橫設徐方國號
在元戎天下傑禰生投刺遊王粲吟詩謁高情無遺照
朗抱開曉月有土不埋冤有讎皆為雪願為直草木永
向君地列願為古琴瑟永向君地發欲識丈夫志曾將
孤劍說

送狄宗亨

王昌齡

秋在水清山暮蟬洛陽樹色鳴臯烟送君歸去愁不盡
又惜空度涼風天

送孟浩然之廣陵

李白

故人西辭黃鶴樓烟花三月下揚州孤帆遠影碧山盡
唯見長江天際流

送客

陳子昂

故人洞庭去楊柳春風生相送河洲晚蒼茫別思盈白

欽定四庫全書

唐文粹
卷十五上

下

蘋已堪把綠芷復含榮江南多桂樹歸客贈生平

送唐次

武元衡

都門去馬嘶灞水東流淺青槐驛路長白日離亭晚望

望烟景微草色行人遠

送皇甫湜赴舉

馬異

馬蹄聲特特去入天子國借問去是誰秀才皇甫湜含
吐一腹文八音兼五色主文有崔李郁郁為朝德青銅
鏡必明朱絲繩必直稱意太平年願子長相憶

送張宗原

姚合

東門送客道春色如死灰一客失意行十客顏色低住
者既無家去者又非歸愁窮一成疾百藥不可治子賢
我且愚命分不合齊誰開塞蹟門日日同遊栖子行何
所之切切食與衣誰能買仁義令子無寒飢野田不生
草四向生路歧士人甚商賈終日須東西鴻雁春北去
秋風復南飛勉君向前路無失相見期

送綦毋潛落第還鄉

王維

欽定四庫全書

唐文粹
卷十五上

下

聖代無隱者英靈盡來歸遂令東山客不作顧采薇既
至君門遠孰云吾道非江淮度寒食京兆縫春衣置酒
長亭送同心與我違行當浮桂棹未幾拂荆扉遠樹帶
行客孤村當落暉吾謀適不用勿謂知音稀

送暨道士還玉清

李頎

仙官有名籍度世吳江濱大道本無我青春長與君中
州俄已到至理得而聞明主降黃屋時人看白雲空山
何窈窕三秀日氛氲遂此留書客超遙烟駕分

淇上別趙仙舟

王維

相逢方一笑相送還成泣
祖席已傷離荒城復愁入
天寒遼山靜日暮長江急
解纜君已遙望君空佇立

送沈秀才下第東歸

賈島

曲言惡者誰悅耳如彈絲
直言好者誰刺耳如長錐
沈生才俊秀心腸無邪欺
君子忌苟合擇交如求師
毀出嫉夫口騰入禮部闈
下第子不恥遺才人恥之
東歸家堂遠掉轡時參差
浙雲近吳見汴柳接楚垂
明年春光別迴首不復疑

欽定四庫全書

唐文粹
卷十五上

五

崔九弟欲往南山

王維

城隅一分手幾日還相見
山中有桂花莫待花如霰

崔九欲往南山馬上口號與別

裴迪

歸山深淺去須盡邱壑美
莫學武陵人雙遊桃源裏

留別

崔興宗

駐馬欲分襟清寒御溝上
前山景氣佳獨往還惆悵

贈別沈四逸人

高適

沈侯未可測其況信浮沈
十載常獨坐幾人知此心
乘

舟蹈滄海買劍投黃金
世務不足煩有田西山岑
我行遇知己遂得開清襟
何意聞闕間沛然江海深
疾風掃秋樹濮上多鳴砧
耿耿罇酒前聯雁飛愁陰
平生重離別感激對孤琴

送豆盧策歸別墅

孟郊

短松鶴未巢高石雲始棲
君為蕭灑去性與雲鶴齊
力買奇險地手開清淺溪
身披薜蘿襟山陟莓苔梯
一卷冰雪文避俗常自攜

欽定四庫全書

唐文粹
卷十五上

五

送柳淳入關

青山輒為塵白日無閒人
自古推高車爭利西入秦
王門與侯門待富不待貧
空齋一束書獨去誰相親

唐文粹卷十五上

欽定四庫全書

唐文粹卷十五下

宋 姚鉉 編

詩辛 總六十六首

古調歌篇四

行役二十

歧路 鮑溶

秋入關 賈馳

欽定四庫全書

唐文粹 卷十五下

晨裝行 歐陽詹

蜀道後期 張說

蜀中將歸留辭韋相公 歐陽詹

襄陽路逢寒食 張說

巡邊在河北作

奉和左司員外先赴長安逢立春日贈韋侍

郎等諸公 孫逖

初發太原至途中寄太原所思 歐陽詹

西還至散關答喬補闕 陳子昂

剡溪行却寄新別者 朱倣

早發龍且館舟中寄東海李司倉鄭司戶 獨

孤及

曉發 賀知章

月夜江行 權德輿

江行四首

江行 柳中庸

欽定四庫全書

唐文粹 卷十五下

懷寄二十七

新都南亭別郭大元振 盧崇道

寄侍御從舅 權德輿

秋莫山中寄李益端公 鮑溶

寄趙七侍御因叙疇年之素寄懷於篇 李華

偶題安州浮雲寺樓寄湖州張郎中 杜牧

魏州從事寄耿拾遺 姚合

洪州客舍寄柳博士芳 薛業

岳州張史君與王都督別詩二首因遙申和

韋嗣立

留別袁丞 王昌齡

舟中懷閩士和 釋皎然

秋山寄陳謨言 王昌齡

海上寄蕭五 獨孤及

懷鄭洎 孟遲

杼山禪居寄贈東溪吳處士 釋皎然

欽定四庫全書

唐文粹
卷十五下

寄廬山隱者 楊衡

春夢 岑參

贈遠 陸龜蒙

河梁別 馬戴

有所思 盧仝

寄遠 李白

寄遠 賈島

怨情 李白

生別離 白居易

別離 陸龜蒙

離怨 張籍

春愁 韓琬

和贈遠 獨孤及

失意九

傷歌行 張籍

遷謫江表久未歸 竇參

欽定四庫全書

唐文粹
卷十五下

失志夜坐思歸楚江 孟郊

失意歸吳寄劉侍郎

荅李昌期 楊洵美

莫相疑行 杜甫

王夫子 白居易

孟先生詩 韓愈

徐十八晦落第 歐陽詹

疾病三

溫泉莊卧病寄楊七炯

宋之問

夏中訓于逃畢耀問病見贈

獨孤及

秋園卧疾呈暉上人

陳子昂

傷悼七

荅宋主簿兼貽平昔遊舊

盧藏用

對酒憶賀監三首

李白

哭玄英方干先生

孫郈

吊王將軍墓

常建

欽定四庫全書

唐文粹
卷十五下

五

國殤

孟郊

歧路

鮑溶

北風送微寒徒侶勤遠程憂人席不暖殘月馬上明飄

飄歧路間長見日初生重嶂曉色淺踈疎徠寒啼清人間

多歧路常恐終身行迴見四方人車輪無留聲空谷亦

堪隱下田非懶耕古人有遺訓飽食非親榮我生禮義

鄉少小見太平聖賢猶羈旅況復非其名

秋入關

賈馳

河上微風來關頭樹初濕今朝關城吏又見孤客入上
國誰與期西來徒自急

晨裝行

歐陽詹

村店月西入山枝鳴鳩聲永裝徹夜席束囊事晨征寂
寂人尚眠悠悠天未明豈無偃息心所務前有程

蜀道後期

張說

客心爭日月來往預期程秋風不相待先至洛陽城

蜀中將歸留辭韋相公

歐陽詹

欽定四庫全書

唐文粹
卷十五下

六

寧體即雲構方前恒玉食貧居豈及此要欲懷歸憶在

夢關山遠如流歲華逼明晨首鄉路迢遞孤飛翼

襄陽路逢寒食

張說

去年寒食洞庭波今年寒食襄陽路不辭著處尋山水

祇畏還家落春暮

巡邊在河北作

去年六月西河西今年六月北河北沙場磧路何為爾

重氣輕生知許國人生在世能幾時壯年征戰髮如絲

會待安邊報明主作頌封山也未遲

奉和左司員外自洛使入京中路先赴長安逢立

春日贈韋侍郎等諸公

孫逖

拜郎登省閭奉使馳車乘遠瞻使者星便是南宮應臺
妙時放言皇華德彌稱二陝聽風謠三秦望形勝此中
睽友益是日多詩興寒盡歲陰催春歸物華證

忽覩雲間數雁迴更逢山上花正開河邊淑氣迎芳草
林下輕風待落梅秋憲府中高唱入春卿署裏和聲來

欽定四庫全書

唐文粹
卷十五下

七

共言東閣招賢地自有西征謝傅才

初發太原途中寄太原所思

歐陽詹

鷗鳥覺漸遠迴頭長路塵高城已不見況復城中人去
意自未甘居情諒猶辛五原東北晉千里西南秦一履
不出門一車無停輪流萍與繫匏早晚期相親

西還至散關答喬補闕

陳子昂

歲蕤蒼梧鳳嘹唳白露蟬羽翰本非匹結交何獨全昔
君事胡馬余得奉戎旃攜手同沙塞關河緬幽燕芳歲

幾陽止白日屢徂遷功業雲臺薄平生玉佩捐歎此南

歸日猶聞北戍邊代水不可陟巴江亦潺湲攬衣度函

谷銜涕望秦川蜀門自茲始雲山方浩然

剡溪行却寄新別者

朱倣

潺湲寒谿上自此成離別迴首望歸人移舟逢暮雪頻
行識草樹漸老傷年髮唯有白雲心為向東山月

早發龍且館舟中寄東海李司倉鄭司戶

獨孤及

欽定四庫全書

唐文粹
卷十五下

八

沙禽相呼曙色分漁浦鳴榔十里聞正當秋風度楚水
沉值遠道傷離羣津頭却望後湖岸別處已隔東山雲
亭艫目送北歸翼惜無瑤華持寄君

曉發

賀知章

故鄉杳無際江臯聞曙鐘始見沙上鳥猶埋雲外峯

月夜江行

權德輿

扣舷不能寐浩露清衣襟彌傷孤舟夜遠結萬里心幽
興惜遙草素懷寄鳴琴三秦月初上寂寥寒江深

江行四首

曉

曉風搖五兩殘月映石壁稍稍曙光開片帆在空碧

晝

孤舟漾暖景獨鶴下秋空安流日正晝淨淥天無風

晚

古樹夕陽盡空江暮靄收寂寞扣舷坐獨生千里愁

夜

猿聲到枕上愁夢紛難理寂寂深夜寒清霜落秋水

江行

柳中庸

繁陰乍隱洲落葉初飛浦蕭蕭楚客帆暮入寒江雨

新都南亭別郭大元振

盧崇道

竹徑女蘿蹊蓮洲文石隄靜深人俗斷尋玩往還迷碧

潭秀初月素林驚夕棲寨幌納鳥侶罷琴聽猿啼佳辰

改宿昔勝寄坐睽攜長懷賞心愛如玉復如珪

寄侍御從舅

初免職歸東山

權德輿

靡靡南軒蕙迎風轉芬滋落落幽澗松百尺無附枝世

物自多故達人心不羈偶陳幕中畫未負林間期感恩

徒慰薦循性難繫維野鶴無俗質孤雲多異姿清泠松

露泣照灼巖花遲終當稅塵駕來就東山嬉

秋暮山中寄李益端公

鮑溶

舊事與日遠酒花仍舊香前年繡衣客此節過此堂侍

臣不自高笑解繡衣裳眠雲有餘態入鳥不亂行我恐

雲嵐色損君鞍馬光君言此何言今日皆異鄉明日非

欽定四庫全書

唐文粹
卷十五下

十

今日下山道路長一從下山去天地再炎涼此期果難

得夢君馬玄黃

寄趙七侍御自餘干谿行經弋陽至上饒山川幽

麗思與雲卿同遊邈不可得因叙疇年之素寄懷

於篇

李華

搖槳曙江流江晴山復重心愜賞未足川迴失前峰凌

灘出極浦曠若天地通君陽青嵯峨開圻混元中九潭

魚龍窟仙成羽人宮陰奧潛鬼物精光動煙空玄猿啼

深艷千定反楚越謂竹樹深者為艷白鷗戲惹蒙飛滿鳴金石激溜鼓

雷風雨濯萬木鮮霞照千山濃草間長餘綠花淨落幽

紅渚煙見晨釣山月聞夜春覆谿窈窕波涵石洶溶溶

丹邱忽聚散素壁相奔衝白日破昏靄靈山出其東勢

排昊蒼上氣壓吳越雄迴頭望雲卿此恨發吾東昔日

蕭邵遊四人纔成童華與趙七侍御驛故蕭十功曹類士故邵十六軫未冠遊太學皆苦

貧共弊同年三人登科相次典校邵後三人及第也屬詞慕孔門入仕希上公緯

卿陷非罪折我昆吾鋒邵字緯卿以寬橫貶卒南中茂挺獨先覺拔

欽定四庫全書

唐文粹卷十五下

身渡京虹斯人謝明代百代隆鵷鴻蕭天寶末知亂棄官往江東殯墓先

人逝于江南世故隆橫流與君哀路窮逆胡陷兩京華與趙受辱賊中相顧

無死節蒙恩逐殊封華貶杭州司功趙貶泉州晉江尉天波洗其瑕朱

衣備朝容華承恩累遷尚書郎趙拜補闕御史一別凡十年豈期復相從

餘生得攜手遺此兩孱翁羣遷失鷺羽後凋惜長松衰

旅難重別悽悽滿心胃遇勝悲獨遊貪奇悵孤逢禽尚

彼何人胡為束樊籠吾師度門教投弁躡遐蹤

題安州浮雲寺樓寄湖州張郎中

杜牧

去夏疎雨餘同倚朱欄語當時樓下水今日到何處恨如春草多事與孤鴻去楚岸柳何窮別愁紛若絮

魏州從事寄耿拾遺

姚合

少在兵馬間長還繫戎職難飛不得遠豈要生羽翼三年城中遊與君最相識應知我衷腸不苟念衣食主人樹勲名欲滅天下賊愚雖乏智謀願陳一夫力人生須氣健飢凍縛不得睡當一席寬覺乃千里窄古人不懼死所懼死無益至交不可合一合難離折君嘗相勸勉苦語毒胃臆百年心知聞誰限河南北

洪州客舍寄柳博士

薛業

去年燕巢主人屋今年花發路傍枝年年為客不到舍舊國存亡那得知胡塵一起天下亂何處春風無別離予昔忝省閣與岳州張使君潭州王都督同官聯事後承朝譴各自東西張公與王都督別詩二首情頗殷切予覽以歎因遙申和云

韋嗣立

茂先王佐才作牧楚江隈登樓正欲賦復遇仲宣來黃
鵠飛將遠雕龍文為開寧知昔聯事聽曲有餘哀
昔時陪二賢纓冕會神仙一去馳江海相逢共播遷無
因千里駕忽覩四愁篇覽諷歎何已歎終徒愴然

留別武陵袁丞

王昌齡

皇恩暫遷謫待罪逢知己從此武陵谿孤舟二十里桃
花遺古岸金澗流春水誰識馬將軍忠貞抱生死

欽定四庫全書

唐文粹
卷十五下

十三

舟行懷閩士和

釋皎然

二月湖南春草遍橫山渡口花如霰相思一日在孤舟
空見歸雲三兩片

秋山寄陳讜言

王昌齡

巖間寒事早衆山木已黃北風何蕭蕭茲夕露為霜感
激不能寐中宵時慨慷黃蟲初悲鳴玄鳥去我梁獨卧
時易晚離羣情更傷思君若不及鴻雁今南翔

海上寄蕭五

獨孤及

朔風剪塞草寒露日夜結行行屆瀛壖歸思生暮節驛

樓見萬里延首望遼碣遠海入大荒平蕪際窮髮舊國
在夢想故人且胡越契濶阻風期荏苒成雨別海西望
京口兩地各天末索居動經秋載笑知曷月日窮南望
盡唯見飛鳥滅音塵未易得何以慰飢渴

懷鄭洎

孟遲

風蘭舞幽香雨葉墮寒滴美人來不來前山看向夕

杼山禪居寄東谿吳處士

釋皎然

欽定四庫全書

唐文粹
卷十五下

十四

青雲何潤澤下有賢人隱路入菱湖深跡與黃鶴近野
風吹白芷山月搖清軫詩祖吳叔庠到君才不盡身當
青山秀

詩曰家住青山下青山有吳均改宅後改為吳均山

文體多郢聲澄徹湘

水碧沈寥楚天清時人格不同至今罕知名昔賢敦師
友此道獨君行既得廬霍趣乃高雷遠情別時春風多
掃盡雪山雪為君中夜起孤坐石上月悠然遺塵想邈
矣達性說故人不在茲幽桂惜未結

宿吉祥寺寄廬山隱者

楊衡

風鳴雲外鐘鶴宿千年松相思杳不見月出山重重

春夢

岑參

洞房昨夜春風起遙憶美人湘江水枕上片時春夢中

行盡江南數千里

贈遠

陸龜蒙

茱萸匣中鏡欲照心還懶本是細腰人別來羅帶緩從君出門後不奏雲和管妾思冷如簧時時望君暖心期

夢中見路永魂夢短怨坐泣西風秋窻月華滿

欽定四庫全書

唐文粹
卷十五下

十五

河梁別

馬戴

河梁送別者行哭半非親此地足征戰胡天多殺人金

壘照離席寶瑟凝殘春

有所思

盧仝

當時我醉美人家美人顏色嬌如花今日美人棄我去

青樓珠箔天之涯娟娟常娥月三五二八盈又缺翠眉蟬鬢

生別離一望一見心斷絕心斷絕幾千里夢中醉卧巫

山雲覺來淚滴湘江水湘江兩岸花木深美人不見愁

人心含愁更奏綠綺琴調高絃絕無知音美人兮美人

不知為暮雨兮為朝雲相思一夜梅花發忽到窻前疑

是君

寄遠

李白

美人在時花滿堂美人去後空餘牀牀中繡被卷不寢

至今三載聞餘香香亦竟不滅人亦竟不來相思黃葉

落白雪濕青苔

寄遠

賈島

欽定四庫全書

唐文粹
卷十五下

十六

別腸多鬱紆豈能肥肌膚始知相結密不及相結踈踈

別恨應少密離恨難祛門前南流水中有北飛魚魚飛

向北海可以寄遠書不惜寄遠書故人今在無況此數

尺身阻彼萬里途自非日月光難以知子軀

怨情

李白

新人如花雖可寵故人似玉由來重花性飄揚不自持

玉心皎潔終不移故人昔新今尚故還見新人有故時

請看陳后黃金屋寂寂珠簾生網絲

生別離

白居易

食藥不易食梅難藥能苦兮梅能酸未如生別之為難
苦在心兮酸在肝晨雞載鳴殘月沒征馬重嘶行人出
迴看骨肉哭一聲梅酸藥苦甘如蜜黃河水白黃雲秋行
人河邊相對愁天寒野曠何處宿棠梨葉戰風颼颼生離
別憂從中來無斷絕憂積心勞血氣衰末年三十生白髮

別離

陸龜蒙

丈夫非無淚不灑離別間仗劍對樽酒恥為游子顏蝮

欽定四庫全書

唐文粹
卷十五下

十七

蛇一螫手壯士疾解腕所志在功名離別何足歎

雜怨

張籍

切切重切切秋風桂枝折人當少年嫁我常少年別念
君非征行年年長遠途妾身甘獨歿高堂有舅姑山川
豈遙遠行人自不返

春愁

韓琮

金烏長飛玉兔走青鬢長青古無有秦蛾十六語如絃
未解貪花惜楊柳吳魚嶺雁無消息水盼蘭情別來久

勸君年少莫遊春暖風遲日濃如酒

和贈遠

獨孤及

憶得去年春風至中庭桃李暎璫寬美人挾瑟對芳樹
玉顏亭亭與花雙今年新花如舊時去年美人不在茲
借問離居恨深淺祇應獨有庭花知

傷歌行

張籍

黃門詔下促收捕京兆尹繫御史府出門無復部曲隨

親戚相逢不容語辭成謫尉南海州受命不得須臾留

欽定四庫全書

唐文粹
卷十五下

十六

身著青衫騎惡馬東門之東無送者郵夫防吏急喧驅
往往驚墮馬蹄下長安里中荒大宅東門已除十二戟
高堂舞榭鏤管弦美人遙望西南天

遷謫江表久未歸

竇參

一自經放逐徘徊無所從便為出山雲不隨飛去龍名
豈不欲保歸豈不欲早苟無三月資難適千里道離心
與羈思終日常草草人生年幾齊憂苦則先老誰能假
羽翼使我暢懷抱

矢志夜坐思歸楚江

孟郊

夜學曉未休苦吟神鬼愁如何不自閒心與身為讎死
辱片時痛生辱長年羞青桂無直枝碧江思舊遊

失意歸吳寄劉侍郎

自念西上身忽隨東歸風長安日下影又落江湖中離
婁豈不明子野豈不聰至寶非眼別至音非耳通因緘
俗外辭遠寄高天鴻

答李昌期

楊洵美

欽定四庫全書

唐文粹
卷十五下

十九

三山載羣仙我我賦浪中霞衣翦不得此路安可從我
生亦何事出門如飛蓬白日又黃昏所悲瑤草空蟲聲
故鄉夢枕上禾黍風吾道如未喪天運何時通

莫相疑行

杜甫

男兒生無所成頭皓白牙齒欲落真可惜憶獻三賦蓬
萊宮自怪一日聲烜赫集賢學士如堵牆觀我落筆中
書堂往時文彩動人主今日飢寒趨路傍晚將末契託
年少當面輸心甘面笑寄謝悠悠世上兒莫爭好惡莫

相疑

王夫子

白居易

王夫子送君為一尉東南三千五百里道途雖遠位雖
卑月俸猶堪活妻子男兒口讀古人書束帶歛手來從
仕近將徇祿給一家遠則行道佐時理行道佐時須待
命委身下位無為恥命苟未來且求食官無高卑及遠
邇男子上既未能濟天下下又不至飢寒死吾觀九品
至一品其間氣味都相似紫綬朱衣青布衫顏色不同
而已矣王夫子別有一事欲勸君遇酒逢花且歡喜

欽定四庫全書

唐文粹
卷十五下

二十

孟先生詩

韓愈

孟生江海士古貌又古心嘗讀古人書謂言古猶今作
詩三百首窅然咸池音騎驢到京國欲知薰風琴豈識
天子居九重鬱沈沈一門百夫守無籍不可尋晶光蕩
相射旗戟翩以森遷延乍卻走驚怪靡自任舉頭看白日
泣涕下沾襟竭來遊公卿莫肯低華簪諒非軒冕族應
對多差參萍蓬風波急桑榆日月侵奈何從進士此路

轉嶇嶇異質忌處羣孤芳難寄林誰憐松桂性競愛桃李陰朝悲辭樹葉夕感歸巢禽顧我多慷慨窮簷時見臨清宵靜相對髮白恥苦吟採蘭赴幽念眇然望東南秦吳修且阻兩地無數金我論徐方牧好古天下欽竹實鳳所食德馨神所歆求觀衆邱小必上泰山岑求觀衆流細必泛滄溟深子其聽我言可以當所箴既獲則思返無為久滯滫卞和試三獻期子在秋礎

徐十八晦落第

歐陽詹

欽定四庫全書

唐文粹
卷十五下

嘉穀不夏熟大器當晚成徐生異凡鳥安得非時鳴汲汲有攸為驅驅無本情懿哉蒼梧鳳終見排雲征

溫泉莊卧病寄楊七炯

宋之問

多病卧茲嶺寥寥倦幽獨賴有嵩邱山高枕長在目茲山棲靈異朝夜翳雲族是日濛雨晴返景入巖谷羃羃緣澗草菁菁山下木此意方無窮環顧悵林麓伊洛何悠漫洲源信重複夏餘鳥獸蕃秋末禾黍熟秉願守樊圃歸閒欣藝牧惜無載酒人徒把涼泉掬

夏中訓于述畢耀問病見贈 獨孤及

救物智所昧學仙願未從行藏兩乖角蹭蹬風波中淪跡未攄念卧病非養蒙閉關涉兩旬羈思浩無窮驚驚何處來雙舞下碧空離別隔雲雨惠然此相逢把手賀疾間舉杯欣酒濃新詩見久要清論激深衷高館舒夏簟開門延微風火雲赫差我日暮千萬峰遙指故山笑相看撫號鐘聲和由心親事感知氣同出處未易料且歌緩愁容願君崇明德歲暮如青松

欽定四庫全書

唐文粹
卷十五下

秋園卧疾呈暉上人

陳子昂

幽寂曠日遙林園轉清密疲痾澹無豫獨坐泛瑤瑟懷挾萬古情憂虞百年疾縣縣多滯念忽忽每如失緬想赤松遊高尋紫庭逸勞慙始都喪幽人遂貞吉圖書紛滿牀山水藹盈室宿昔心所尚平生自茲畢願言誰見知梵筵有同術八月高秋晚涼風正蕭瑟

宋侯鳴臯夢趙六予未及報而陳子云亡今追為此詩荅宋主簿兼貽平昔舊遊 盧藏用

暮川罕停波朝雲無留色故人琴與詩可存不可識識

心尚可親琴詩非故人鳴皋初夢趙蜀國已悲陳感化

傷淪滅魂交昔未申冥期失幽報茲理復今晨前嗟成

後泣已矣將何及舊感與新悲虛懷疇昔時趙侯鴻寶

氣獨負青雲姿羣有含妙識衆象懸清機雄談盡物變

精義解人頤在陰既獨善幽躍目為疑踈彼千里足傷

哉一尉欺陳生富清理卓犖兼文史思縟巫山雲調逸

岷江水鏗鏘哀忠義感激懷知已負劍登薊門孤遊入

欽定四庫全書

唐文粹
卷十五下

五

燕市浩歌去京國歸守西山趾幽居探元化立言見千

祀埋沒經濟情良圖竟云已坐憶平生遊十載懷嵩邱

題書滿古壁採藥遍巖幽子微化金鼎僊筌不可求榮

哉宋與陸名宦美中州存亡一睽阻歧路方悠悠自余

事山海及茲人世改傳聞當世榮皆是古人名無復平

原賦空餘隣笛聲泣對西州使悲訪北邙塋新墳蔓宿

草舊闕毀殘銘為君成此曲因言寄友生默語無窮事

凋傷共此情

對酒憶賀監二首

并序

李白

太子賓客賀監於長安一見呼予為謫仙人因解金龜

換酒為樂沒後對酒悵然有懷而作是詩

四明有狂客風流賀季真長安一相見呼我謫仙人昔

好杯中物今為松下塵金龜換酒處却憶淚沾巾

狂客歸四明山陰道士迎勅賜鏡湖水為君臺沼榮人

亡餘故宅空有荷花生念此杳如夢悽然傷我情

重憶一首

欽定四庫全書

唐文粹
卷十五下

五

欲向江東去定將誰舉杯稽山無賀老却棹酒船迴

哭玄英方干先生

孫郈

斗牛文星落知是先生死湖上聞哭聲門前見彈指官

無一寸祿名傳千萬里死著紙衣裳生誰念朱紫我心

痛其語淚落不能已猶喜韋補闕揚名獻天子

弔王將軍墓

常建


嫖姚北伐時深入強千里戰餘落日黃軍敗鼓聲死常

聞漢飛將可奪單于壘今與山鬼隣殘兵哭遼水

國殤

孟郊

徒言人最靈白刃亂縱橫誰言當春死不及羣草生堯
舜宰乾坤器農不器兵秦漢盜山岳鑄殺不鑄耕天地
莫生金生金人起爭



欽定四庫全書

唐文粹
卷十五下

三五

唐文粹卷十五下